



Луттирду ххираминнан ххаллилсса бахшишну хьунни

Мартрал 6-ний Р. Хамзатовул цIанийсса Миллатрал библиотекалуву лахъа-хьунну хьунни «Дагестанская сага» тIисса Нажават (Жанна) Абуевал луттирал презентация

8
лаж.



ИЛЧИ

№9
(2227)

8 МАРТ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIессар 1917 ш.
ЦIунил итабакълан бивкIессар 1991ш.

ХьхьичIунминнун – хIукуматрал наградартту

Дагъусттаннал ХIукуматрал заседанияртту дувай залдануву Хьаннил байрандалул хьхьичI кьини хьхьичIунсса хьаннин паччахIлугьрал наградартту дуллалисса шадлугь хьунни.

Наградартту дулуна Республикалул ХIукуматрал хьунама Абдулмуслим Абдулмуслимовул. ВаналкIицI лавгуна, Дагъусттаннал душру дакIнийхтунусса захIмат буллалаврийну республикалул оьрму хьхьичIунмай хьит учавриву биялсса бутIа бишинну зий бушиву, архIала лас-къатлул, ичIаллил хьаргу лайкъну ларсун. Наградартту дулуна педагогикалул ва медициналул давурттай ккаккиялунну узиминнун, паччахIлугьрал къуллугьирттай чIярусса шиннардий захIмат бивхьуминнун.

Наградаун лайкъ хьуминнавах бур Дагъусттаннал Печатърал ва информациялул агентствалул хьунаманал цалчинсса хьиривмур Наида МахIаммадовагу. Ванин дулуна Республикалул ХIукуматрал чулухасса ХIурматрал грамота.

ДакIнийхтуну барча буллаи буру ванищал архIал наградарттан лайкъ хьусса цинявпагу дагъусттан душру, чIа тIий буру цIуцIусса хьхьичIуннайшивуртту!

Патимат РАМАЗАНОВА



Наида МахIаммадова



«Илчи» кказитрал редакциялул душруялун нанисса Хьаннил байрандалушчал барча бувунни ДР-лул Жяматийсса Па-

латалул председателна хьиривчув Ссапарбаг Абдуллаевул. Ванал жун тIайла дурккун дия нахIусса ахтгайнсагу, аьнтIикIасса тIугIал

кацIругу ва арцуйнуса бахшишругу. Бюхълай личIаннав ина, жул хIурмат лавайсса Ссапарбаг Аьлиевич!

Ххувшаврил байрандалун хас дурсса конкурс

Ххувшаврил байрандалун хасну «Илчи» кказитрал баян буллалиссар оьрчIал лакку мазрай дюхханну аьралий темалул назмурду дуккаврил конкурс.

Ххув хьуминнан дипломру ва бахшишру дулунтIиссар. Цалчинмур кIану булунтIиссар ца инсаннан, кIилчинмур – кIиннан, шамилчинмур – шамуннан. ОьрчIру назмурду ккалаккисса видеортту гьан дуvara, бюхъавай, Телеграм каналданийхчин: https://t.me/ilchi_info_bot. Агарда Телеграм канал дакъахьурча, бучIиссар ватсаплайн ва номерданий гьан дувангу: 8 928 674 67 18. Чара бакъа ккаккан дурну дикIан аьркинссар назму ккалаккисса

оьрчIал цIа, фамилия, буттал шьравалу, цими шин дуссаривгу. Шагьрурдайминнал - цивпа дуклаккисса школардал номердугу. Ххув хьусса оьрчIру конкурсайн хIадур бувсса учительтуран (ниттил хIадур увхьурча, ниттин) булунтIиссар Барчаллаьрал чаьгарду хIисаврайсса дипломругу.

ТIалавшинна: видеортту ккалаккиманал чIу баянну, бувчIинну, аьлагъужа къабагьанну, ххуйну чIаланну дикIан аьркинссар! Ялугьлаьгьиссару!

Транспортрал системалуву лябукку хьунтИий бур

Сергей Меликовлул бувсуна конференциялий ххал бигин тИий бушиву республикалул транспортрал коммуникациялул стратегиялул масьалартту.

Ванал тИмунийну, Р-217 федерал трассалул реконструкция дуллалиссар ххулу кьулайсса бикИаншиврул дагьустанлувтуран. ХИакьину тИтИлай бур ххулул 3 участок. Республикалул каялувчина тИмунийну, ва ххулул хьуннасса агьамшиву дуссар жула региондалун, миккун ХИала бухлай бунутИий зунттал районнал ва зунттал хьхичИми районнал ххулулду.

Сергей Меликовлул бусаврийну, чИяруми давуртту дуллалиссар жяматийсса транспортрал лябуккулул цИаний. Муних хьуннасса кьулагьас дуллаи ур билаятрал каялувчигу.

Роман Новиковлул тИмунийну, паччахИлугьрал бакИчинал жула хьхичИ бивхьусса, инсантал жяматийсса транспортрал дузал баврил хИакьиравусса масьала бартбигьлай буру. ХИакьинусса кьини билаятрай амну 5900 автобус булуну бур субъектирттайн ва ми циняв зий бур маршруттирттай.

Роман Новиковлул Сергей Меликовлул буллуна Аьрасатнал Минтрансрал диплом, «Мюхчанса ва ххуйсса ххулулду» нацпроект бартдигьавриву хьун дурсса хьхичИуннайшивурттахлу.

Роман Новиковлул тИмунийну, республикалий низамрайн буцлай бур региондалул ххулулду, кьулагьас дуллаи бур «Кавказ» федерал ххулул реконструкциялух, паччахИлугьрал дазу лахьай кИанттурдах, буллаи бур хьунисса шагьрудал чИарах буккайсса ххулулду. Цинярда давуртту дуллаи бур ккаккан



Мартрал 4-нний Дагьустаннал бакИчи Сергей Меликов гьуртту хьунни республикалий 2030 шинайннин жяматийсса транспортрал лябуккулул хас бувсса конференциялий.

Ва гьарта-гьарзасса мероприятиялий гьуртту хьунни Росавтодорданул каялувчи Роман Новиков, Аьрасатнал Минтрансрал вакилтал, чИаххувсса Чачаннал республикалул профилсса министерствалул вакилтал, ДР-лул властьрал органнал, транспортрал предприятиярттал ва цаймигу идарарттал вакилтал.



дурсса чИумал.

«Национальная система управления» Ассоциациялул

председатель Ирина Зариповал бавтИми кИул бунни дискуссиярттал сессиялул давурттал

хИасиллашал.

Дагьустаннал жяматийсса транспортрал лябуккулул программалул бавтИми кИул бувна республикалул вице-премьер Ризван ГьазимахИаммадовлул.

Документ хИадур бувну бур республикалул каялувчинал тапшурлугьрайну. Муний ккаккан бувну бур цаппара масьалартту: транспорт цИу дуккан даву ва инсантал буцаврил мюхчаншиву, тарифрал политикалул даража лахь баву, жяматийсса транспортрал управлениялул информациялул ва аналитикалул система дузал даву ва мунил мониторинг, цасса маршрутрал сеть дузал даву ва мунил оптимизация ва цаймигу.

ТРАНСПОРТ ЦИУ ДУККАН ДАВУ

Ризван ГьазимахИаммадовлул тИмунийну, Дагьустаннай зий бур 718 маршрутка, 3300 автобус ва троллейбус.

Пресс-конференция

Ларгсса шинал давурттал хИасиллу

Мартрал 1-нний Национал библиотекалий хьунни ДР-лул Энергетикалул ва тарифирттал министерствалул коллегиялул ларгсса шинал хИасиллу дуллалисса батИаву.



Цалчин махь лавхьуна ДР-лул ХИукуматрал председателна хьиривчув – аьршарал ва хьус-хьиншиврул министр Заур Эминовлул

Хьирив, республикалул энергетикалул ва тарифирттал министр Марат Шихаьлиевлул був-

суна 2023 шинал электроэнергия гьантлий ишла баврил цИу-цИусса рекорду тикрал хьуну душиву ряххийлла, мунил буслай бур электроэнергия ялу-ялун гьарзану ишла буллаи бушиву.

Министрнал тИмунийну, цИанасса ппурттуву региондалий

100-нниха ливчусса подстанцияртту зий бур ххишаласса гуж бутлай, мунияту тагьар захИмат хьанай дур. Энергосетьру 75-89% бух бувккун бур.

Тагьар хьин чулиннай дахана даншиврул, Дагьустаннал бакИчи Сергей Меликов Госсветрал батИаврий лаивзуна Аьрасатнал Президент Владимир Путинуйн. Региондалун итадаркьуна ремонтрал давуртту даву мурадрай 1 млрд ва 750 млн кьурушру. Миннувату 900 млн ккаккан бувну бия МахИачкьала шагьрулул.

Трансформатордал кьуват хьун бувну бур 26 центрдалий, миннува 7 бур МахИачкьалалив, дахана дурну дур 2,5 азарда ЛЭП-рал ттарцИру, 113 трансформаторданул подстанциялул ттарцИру, бакьин бувну бур 370-нниха ливчусса трансформатордал подстанцияртту. Марат Шихаьлиевлул тИмунийну, вай давурттайну тамансса чан хьунтИий дур республикалул энергообъектирдай аварияртту.

Министрнал бувсуна 2023 шинал 12 газораспределитель станциярттал реконструкция даврил ва цаймигу давуртту даврил хИакьираву.

Тарифру лахь дувантИий дур 2024 шинал июльдалий. Му чИумалнин коммунал хИалихшиннахсса тарифру личИантИий дур 2023 шинал даражаллий.

ВацИрайн цИу дагьаву чан хьунни

Мартрал 6-нний ДР-лул ВацИлул хозяйствалул комитетрал Председатель ВахИаб АбдулХамидовлул, «Дагестанская правда» кказитрай бунни пресс-конференция. Ванал бувсуни 2023 шинал дурсса давурттал хИасиллая ва гьашинумур шинал масьаларттая.

АбдулХамидовлул тИмунийну, ларгмур шинал бювхьуну бур бартбигьин вацИрайн цИу дагьаву чан даврил масьала – республикалий хьуну дур дурагу 2 цИу дагьаву 3.92 гектардалий. ХИакьину ххал дигьлай бур цИу лешан даврил, цИу дагьаврил хьхичИалу кьукьаврил план.

«Экология» тИсса нацпроект бартдигьаврил масьалартту ларгсса шинал биттур бувну бур 100 процентрал.

2024 шинал, вацИрал тагьар ххал дигьаву мурадрай, Дагьустаннал ласунтИий бур 11 пилот акьана леххайсса аппарат.

ВахИаб АбдулХамидовлул тИмунийну, ларгсса шинал республикалий арендалий булусса вацИлул участокирттахсса доходу ларсун дур пландалий ккаккан дурминнуяр гьарзану. Пландалий ккаккан дурну дур 80 млн кьуруширттал ласун, амма ларсун дур иширайну 104 млн кьуруширттал. Комитетрал председателналий личИну бувсуна пиломатериалул

Аьрасатнал Минтрансрал кумаграйну лавсун бур 47 хьунмур классрал автобус, ми зий бур МахИачкьалалив 3 магистрал маршрутрай.

МЮХЧАНШИВУ

Вице-премьернал бусаврийну, ххулулул апатИру чан баву мурадрай, аварияртту шайсса кИанттурдай зузи бувну бур 4 мобиль ва 1 заназисса комплексру, 363 видеокамера. Ларгсса шинал ми иширттан итадаркьуну дур 954 млн кьуруширттал, ягу 2022 шиналнияр кИилий ххишаласса.

Кучарду чанна лахьан бувну бур, дузал бувну бур ххулулул лахьайсса кИанттурду, ххулулдул ниьгачИаву дусса кИанттурдай дурну дур дайгьузуну.

МУХХАЛ ХХУЛЛУ

Вице-премьернал бувсуна пассажиртал муххал ххуллий буххаврил иширттаягу.

2024 шинал пландалий бур зузи буван 4 состав ттизаманнул электропоездирттал «Хасаворт-МахИачкьала-Дарбант» участокрайх.

Чал кьавхьуну дахИаву дувантИий бур Уйташ аэропортрасалу.

2030 шинайннин пландалий бур МахИачкьалалия Каспийскалийн, МахИачкьалалия Кьизлардайн, МахИачкьалалия Грозныйлийн муххал ххулулул дахИаву дуван.

Региондалий транспортрал ва логистикалул центрду баврил хИакьираву ихтилат бувна ДР-лул транспортрал ва ххулулул хозяйствалул министр Жамбулат Салавовлул.

Конференциялул ахирдалий ххулулул ва транспортрал системалуву хьхичИуну зузиминнан дуллуна паччахИлугьрал наградартту.



занакьулу даврил ва хИадур даврил предприятияртту дузал баврил планнаятугу.

ВацИрал лагру республикалий 2023 шинал чан хьуну дакьар.

Ваналва бувсуна вацИрал иширттаву хИасул хьусса захИматшивурттаятугу: инсантурал ихтияр дакьанна тИаннуя кИалаш дуллаи бур дахлан, вацИла бусса кИанттурдай кьатри дуллаи бур, арендалий ларсьсса аьрши цила мурадрай ишла дуллаи бакьар. Миннул хьирив бизлан багьлай бур вацИлул зузатран.

Лажин хИадур дурссар ХИасан АБДИЛОВЛУЛ

«Магъирлугъралли жунна дуниял тIитIлатIисса»

Ларгсса нюжмардий Дагъусттаннин увкIунни Аьрасатнал халкъунал артист Владимир Машков. Вагу ларгсса шинал ивтсар Аьрасатнал Театрал ишккакултрал союзрал хьунану.



Артистнашалсса хьунабаву хьунни Культуралул министрствалий, министр Зарема Буттаевашал. Муния махъ Оьруснал театрлану хьунни республикалул магъирлугърал ишккакултрашалсса хьунабаву.

Владимир Машковлул ихтилат байбихьуна Дагъусттаннин учIайхту цала дакIниву хIасул хьусса асардая. ДакIнийн увтуна Расул ХIамзатов, цала буттал, актер Лев Петровичлул, гьалмахчю тIий. Къутта къяпувусса зунталчувнал сиппатгу Машковлул дакIний лирчIун дур оьрчIниязара. Муния махъ бувсуна цаятува, творчествалду ххулли, цалчинсса шаттирду ласласийни хьунадаркъусса захIматшивурттая, машгьурсса насихIатчитурая.

Авадансса бур машгьурсса актёрнал, режиссёрнал, сценаристнал, продюсернал оьрмулул ххулу. Ихтилат бия Аьрасатнал мюрши миллатирттал магъирлугъ дуруччин кабакьу буллалисса миллатрал театрду хьхьичIунмай шаврия, хIакьину театрлан пишакарсса кадрарду биял хьанай бакъашиврия.

КIицI ларгуна Аьрасатнал Театрал ишккакултрал союзрал регионал отделениярттай

хьусса дахханашиннарду. Ххи хьуну дур Донецкалал ва Луганскалал республикарттайсса отделенияртту. МаслихIат бовна жагьилтурал хьунабаву дуван.

– Жула даврил хьхьичI бивхьуну бикIан аьркинссар сахIналул устартал гьунар бусса оьрчIашал зузи бансса мурадду. Тгун ччива гьарцагу регионалдул отделениялий жула даву гихуннай дачин дуван бюхъу бусса жагьилтурал отделениертту хIасул дуван, – увкуна Машковлул.

Ихтилат бия жагьилсса пишакартал цаймигу творческий пишардайн кIункIу баврия. Му ххулий билаятрал Президентнал сипталлий 2025 шинал зузи дан тIий дур программа «Земский работник культуры».

Ахирданий, артистнахъ барчаллагъ тIий, Дагъусттаннаясса хьамакъабитулун лавххуна ванайн варси ва къутта къяпа. Пишкаш бовна Расул ХIамзатовлул луттирду.

Владимир Машковлул, дагъусттанлувтурахъ дакI тIиртIуну къамул аврихлу барчаллагъу куну, махъ буллауна кIура аен, дагъусттаннал бюхттулсса зунтаву «авьххуну гьаншиврул».

Зулайхат ТАХАКЪАЕВА

Март зурул 4-нийн СВО-рал Аьрасатнал цалчинма Виричув НурмаIаммад ХIажимахIаммадовлул нину Сапижат Мазаева бивунни Ставропольлайн, тикку зий ивкIсса арснал гьалмахтурал ва шагьрулул жагьилтурал хьунабаву мурадду.

Арснан ххирасса Ставропольлайнсса аьрххи



– На цал бивра ттула арснал аьпа хIурматрай ябуллалисса Кавказулул казачий полкравун (247-й гвардейский десантно-штурмовой Кавказский казачий полк). Тикку полкравун командирнаш хьунабавкьура, ванал тгун экскурсия бовна, ккаккан дурна Аьрасатнал Вирттаван, Ставропольлайл десантниктуран, СВО-лий аьралий буржру биттур буллай жанну къурван дурсса НурмаIаммад ХIажимахIаммадовлул ва Денис Зориннун даIан дурсса мемориал. Жу вайннал мемориалдануцI тIутIив дишарду, вай хIурматрай дакIнин бичлалисса ихтилатругу бовна. Частьрай тиккува бивру СВО-лий шавурду дирну, хьин хьаняхьсса жагьилтурачIангу. Хьунабавкьура арснал аьралий гьалмахтурал, вичIи дишав вайннал арснаясса



дакIнинбичавурттаху. Хьунабавкьура «Боевое братство» тIисса шалвагу Аьрасатнал ветерантурал жяматIисса организациялул Ставропольлайлмул отделениялул каялувчи Борисенко Николайшалгу. Ванал

бувсуна чIун-чIумуй аьрали-туран буллалисса ка-кумагъра. «Единая Россиялул хьаннил движение» проектрал лагрулий Ставропольлай хIасул бовну бур Хьаннил клуб, жагьилтуран ва хьаннин гьарца ишираву какумаг буллалисса. Ва клубрал заседаниялийгу гьуртту хьура. Жагьилтурал бовсуна цивппа цуку-цукунсса проектирттаху зий буссарив. Хасну на навагу педагогнал давричIун цайми давричIаху зий бикIайссияв, бигьану къабикIайва кIира-шанна даврий архIал зун. Мунияту тгун дакI даркъуна зун ччисса жагьилтуран ва хьаннин къулайсса давуртту лякъин ва цаймигу къайгьурдалсса буллалисса ва клубрал даврий. Ставропольлайл 35-мур лицейравун на бивра Аьрасатнал ПаччахIлугърал Думалул депутат Ольга Тимофеевашал. Ванал бовсуна школарду ремонт бовшиврия ва буллайнма бушиврия. Вара къини хьунабавкьуру Ставропольлайл паччахIлугърал медициналул университетрал студенттуралгалу. Вай хьунабавкьуру тгун на кIицI лавгссия арснал Ставропольгу шагьрулул агьлугу, хаснува жагьилталгу ххирасса бивкIшиву. Ва шагьрулийри НурмаIаммадлул захIматрал ххулу байбихьусса. Рязаннай гьавалул десантнал командиртал хIадур байсса Гвардиялул лавай-мур училище къуртал байхту, ххюра шинайсса Ставропольлай зий уссия. Ванал мудангу хIурматрай бусайва шагьрулул

агьулдания, ххуйсса асарду къабивтун бия агьалиналгу, шагьрулулгу ванал дакIниву, – укун бовсуна Сапижат Мазаевал цила аьрххилия.

Патимат РАМАЗАНОВА

Агьалинал цIуллу-сагъшиврул къаралданий



Мариян Шалласуева

Кьуняхьайсса шиннардий шикку зий бур ЧIайннал шяравасса Мариян Шалласуева.

МахIакъалалив, Гоголя кучалий, КьюкIлил азарду хьин Мдайсса центр тIивтIуну зувиллийхьайсса шинну хьуну дур. Агьалинал тIалавшиннарайн бовну, шиккува тIивтIуну бур дяхт-тасса стационаргу. Хьхьувай азарханалий баIан сант дакъасса, ичIуваминнал къулагъас аьркин дагълагьисса мушакъатсса инсантуран ва къулайсса кIану бур. ХIакиннал чивчусса дарувгу бовкуну, массажрая тIайла хьуну, цIуллушиву цIакъ дансса личIи-личIисса процедурардугу бовну, ахттая чул хьуну махъ вай шаппай лагай.

Медициналул институт къуртал бовну махъ, 2003-ку шинал, кьюкIлил азарду хьин дайсса пишакар хьунсса ординатурагу бовккуну, ва бовкIун бур зун КьюкIлил азардал центрданул дяхттасса стационарданийн.

– Укунсса кIанай зун захIматсархха, нигьабуслай бакъарав? – тIутIиминнахъ Марияннул учайсса бур: «Бигьасса кIану бувагу къаччива», – куну. Ва бур цила давриву паччахIгу, лагъу.

Маяжанугу, кьюкIлил азарду дусса инсантурашал зун цаягу духтурнан бигьану къабикIай, чIявучин ччангу къабикIай. Марияннил цила язи бовгьусса пишалийн хайн къавхьуну бур. Ва тачIавгу къулаймур кIану язи бугълай, хайр бумур кIанттух луглай къабивкIун бур. Даки хьинсса, цими бусса, нахIу-хIалимсса Мариян къашайшалтран ххирасса бур, даврил уртакътурачIагу ванал хIурмат хьунмасса бур.

Марияннул лякъай гьарцанансса дарув, нахIусса махъ, мюнпатсса маслихIат.

Ва хьунма хьуну бур шанма оьрчI бусса кулпатраву. Нитти-буттал чIивиния шихуннай душ-вавран ххуйсса тарбия дуллуну дур. Хьуними ссурваврахъ бусласимур Марияннулгу гацIана лаласайсса бивкIун бур. Шалласуевхьал шанмагу душ яхI-къирият дусса, мяърипатрал бовччусса бур. Марияннул хьуними ссурвал-гу цивппа бусса кIанай бусравну ва хIурматрай бур.

Мариян жула инсантуран хьинну бусравсса Шалласуевлул души. Жаваблусса къуллугъирттай зузисса ппу унугу, Марияннул тачIав пахру-ххара, даки хьуншиву къадайс-сар. Ва буссар мудангу цила

кIулшивурттал даража гьаз бансса чаран ляхълай. КуртIсса кIулшивуртталгу, аьчухсса хасиятралгу бур ва лахъ буллай.

Мариян бур кIива оьрчIал нину. Вайннал тарбиялул ялувгу цIакьну бавIуну бур. Шагьру-лий хьунма хьусса бунугу, цин-магу кIулли лакку маз, оьрчIангу лахьхьин буллай бур.

Жул бакIралгу ххуйсса, Жакьлулулгу бовччусса Мариян! ЛичIаннав ина оьрму-лухун мукунма. ЧIивиссавагу байча къавшунна, лахьисса пиш-шалул ххулу битаннав, цумур-цагу захIматшиву дух дансса гуж булуннавав. ЦIуллушиву дулуннав.

Марияннул хьин бовсса къашайшалтрал чулуха Ханича АБЛИЕВА

Президентнал Федерал Собраниялийнсса Рисала

Хурмат бусса сенаторгал, ПаччахӀлугьрал Думалул депутатгал! Хурмат бусса аьрасатлудтал!

Федерал Собраниялийнсса гьарца Рисала хъанахиссар ялун дучӀансса чӀумухсса буругаву. ХӀакьину ихтилат хунтиссар, жула яла гъанми планная бакъасса, стратегиялул задачарттаягу, чӀярусса шиннардий билаят лябуккан буллан агъамшиву дусса масъаларттаягу.

Вай давурттал балжисса чараннал программа шаллу хуссар регионайн лавгсса чӀумал обороналул заводирттал зузалтрашал, инженертурашал, духтуртурашал, учительтурашал, аьлимтурашал, волонтертурашал, ишбажаранчитурашал, чӀявусса оьрчӀру бусса кулпатиртталашал, Аьрасатнал Аьралуннал саллатӀнашал ва хӀаписартурашал гьалгъа баврийну. ЧӀявусса пикризирду бувсуна хъунисса жяматийсса ва эксперттурал форумирттаягу.

ХӀакьину инсантурал бувссса предложениртту, миннал хӀарачатру ва умудру хунтиссар проектирдал ва сиптардал гъануну.

Жува тастгикь барду жушава бюхъайшиву бартбигьин яла захӀатми задачартту, жаваб дулун яла захӀатми вызовирттайн. Жура дайшун дурссар дунялул халкъуннал терроризмалул агрессия, дурурчуссар билаятрал кашиву, къабивтсар му цила чӀумал парчари буван.

ХӀакьинугу, жула Ватандалул цила суверенитетту, мюхчаншивугу дуручлачисса чӀумал, Донбассрайсса ва Новороссиялийсса ватанлудтурал оьрмурду буручлачисса чӀумал, ва тӀайласса талатавриву хъунмур кӀану бугълай бур жула инсантурал, жула лагма лагаврил, аьзизсса билаятрайн дакӀ тӀайлашиврул, мунил къадарданул жаваблудшиврул.

Вай хасиятру ялун лирчуна хасъсса дьявилул операциялул дайдихулийра, Аьрасатнал чӀявуми агъалинал муницӀун кабакъу бувсса чӀумал.

Производствалий зий бур шанма сменалий – фронтран аьркинссаксса. Шалла экономика къанкъану цалий дарцуну дур. Барчаллагъ чин чай бур цӀана ишбажаранчитурахаь, инженертурахаь, зузалтрахаь, шяраваллий захӀаткашнахаь, жаваблудсса ва захӀатсса давурттахлау.

Жува кумаг буллан аьркинссару оьрчӀру бусса кулпатиртан. Хъунмасса кулпат хъун инженирссар жула норману, жяматрал оьрмулул философияну, шала паччахӀлугьрал стратегиялул ишарану(ориентир).

Яла гъансса 6 шинал мутталий жува аьркинссар оьрчӀру бавриву лябукку буван. МуницӀун кабакъу буллантиссар хӀукуматралугу, оьрчӀру тарбия баврил, дуккин баврил, регионалул ва экономикалул лябуккулул системалулу ялун ххи бувсса хӀукмурду къамул бувану.



Айишинна ца яла захӀатмур масъалалия – му хъанай бур чӀявоьрчӀру бусса кулпатирттал доходу чанса душаву.

2000 шинал Аьрасатнаву мискинссаннан ккаллину бия 42 млн инсантурал. Муния махъ тагъар тамансса даххана хъунни. ДукӀусса шинал хӀасиллаин бувну, мискинссаннан ккаллину бия 13,5 млн инсантурал. Гъайгъай, мигума чӀявуссар. Амма жу масъалалух къулагъас дуллай буру даим.

Цаппара чаранну къамул бувссар ттигъанну. Ларгсса шинал январьданул 1-нния шийнмай шурущи дурну дуссар чансса доходу дусса кулпатирттан гьар зуруйсса напакъартту булаву. ДукӀу мукунсса напакъартту ласлай бивкӀссар 11 миллион инсантурал.

Аьркинссар оьрчӀру бусса кулпатирттал оьрмулул даража лавай буллансса даимансса даву дуллан. Мунийн бувну, жу зузи дуллану цӀусса национал проект «Кулпат».

Къулбас дурссар шала билаятрай чӀявоьрчӀру бусса кулпатирттал цасса статус ккаккан буллансса ХӀукмулий. Утти мунил положениртту шаллу буван аьркинни балжисса хӀукмурдайну федерал ва регионалул даражалий, инсантурал тӀалавшиннугу хӀисаврайн ларсун.

Цанасса ппурттуву Аьрасатнаву дянивсса оьрмулул лахъшиву 73 шинаяр лахъ хъунни. Жува зана хуру коронавирсрал пандемия дайдишаврил чӀумалнинсса даражалийн. 2030

шинайннин Аьрасатнаву оьрмулул лахъшиву хъун аьркинссар 78 шинаяр къчансса, муния махъ букканну «80+» даражалийн.

Жура ттинияр тихуннайгу бартдигъланну къюкӀлил ва тунурдал, онкологиялул азардашал ва диабетрашал талатаврил федерал проектру.

Ми дакъасса, зузи дуван аьркинни нинушиву дуручаврин хасъсса, оьрчӀал цӀуллушиву дуручаврил комплексрал программа. Ванил приоритетруну хунтӀий дур хъаннил консултациярду чӀяру шаву, перинаталькарттал ва азарханардал модернизация.

Спортрахун машхул хъанансса шартӀру дузал дуван аьркинссар вузирдавугу, колледжирттаву, школардайгу, оьрчӀал багъирдавугу.

19,5 азарва школалий дуван аьркинни капитал ремонт. 2030 шинайннин жува регионан кумаг бувану му масъала чулийн буккан буван, муния махъ школарду бакъин буллану пландалул низамрай. Аьмну оьрчӀал багъирдал ва школардал ремонт дуван итадакъинну ялун ххи дурну 400 млрд къуруширттал.

Аьркинни ялун нанисса 6 шинал мутталий цӀу буккан буван ягу цуну тӀитӀин школардай медициналул пунктру.

Уттигу ца агъамсса тема. ХӀакьину хъуни хъанай бур шагъурду. Микку хъун хъанай дур социал сфералунсса гъиву. Гьарза хъанай бур школалий дуклаки оьрчӀру, личӀинува

кӀилчинмур сменалий дуклакими. Махъ бакъа ва масъала дузал буван аьркинни.

Хурмат бусса даврил уртактал!

Ттул пикрилий, аьркинни жагъилтурал политикалулу хусса хъинчулийсса опыт цацӀун буван ва гъашину зузи дуван цӀусса национал проект – «Аьрасатнал жагъилтал». Ва бур жула учительтурал мурад.

Школалий наставниктурал хъунмасса кӀану бугълай бур. 2024 шинал сентябрьданул 1-нния шийнмай аьркинни буллан федерал выплата – 5 азарда къуруш зуруй циняв школардал ва колледжирттал директортурал тарбиялул советниктуран.

Ларгсса шинал Аьрасатнаву сияхӀрайн ларсун дур 1 миллион ва 200 азарда цӀусса компания чӀиримур ва дянивмур бизнесраву. 2023 шинал 20 процентрал гьарза хъуну бур жагъилсса ишбажаранчитал. ХӀакьину ми бур 240 азарда.

Цинярда шартӀру шаллу дуван аьркинссар чӀивимур ва дянивмур даражалул компаниертту лядукланшиврул. Аьмну лавсун чӀиримур ва дянивмур бизнесрал производствалул идарарттал налогирттал низам куклу дуван аьркинссар.

Хурмат бусса аьрасатлудтал! Аьзизсса дустал!

Даиман хъунаакъара СВО-лул гьурттучитурашал. Ми циняв талай бур ярагъу кӀунттихъну. Даки пахрулул дуцӀай ми ккаккун. Мукунсса инсантал давуртаву махъунмай къахунтиссар, хъяврин къабантиссар, хаин къахунтиссар. Миннал бугъан аьркинссар хъхъичӀунми кӀанттурду дуккаврил системалулу, жагъилтал тарбия бавривугу, жяматийсса ккураннавугу, госкомпаниярттаву, бизнесравугу, паччахӀлугьрал ва муниципал каялувшиврувугу, регионайн, предприятиярттай, яла хъуними ватандалул проектирдай каялувшиву давривугу.

Мунийн бувну, 2024 шинал мартрал 1-нния шийнмай хасъсса дьявилул операциялул ветерантураша, мукунма цана талатисса саллатӀтураша ва хӀаписартураша бюхъайссар заявлениртту булун хасъсса кадрдал программалул дуккаврил цалчинмур потокравух гьуртту хъуншиврул. Мунийн цӀагу дизайну «Виртаврал чӀун». Дуккаву дайдишинтиссар яла гъанми зурдардий. Ва программа дузал хунтиссар жула яла хъинми проектирдал стандартирттайну: Высшая школа государственного управления, мунийн чайссар цамур кушуй «школа губернаторов», мукунма «Аьрасатнал лидертал». Миннул выпускниктурал бугъайссар лавайсса къуллугъру личӀи-личӀисса арардаву, хӀатта шайссар министртал, регионал бакӀчитал.

Программалул гьурттучитал хъун бюхъайссар лаваймур даражалул кӀулшиву дусса ва управлениялул опыт бусса ветерантураша.

СВО-лул ветерантураша ва гьурттучитураша шайссар приоритетрал низамрай лаваймур даражалул кӀулшиву ласун, граждан сянат лахъхъин жула хъхъичӀунми вузирдаву.

Жура ккаккан дурсса планну хӀакьину хъар хъанай дур цана фронтрай талатисса жула саллатӀнайн, хӀаписартурайн, доброволчитурайн – циняв аьралитурайн. Минналли хӀакьину жунна чара бакъа аьркинсса шартӀру дузал дуллалисса билаятрал ялун бучӀантӀимунил ва лябуккулул цаний.

Вихссара жула ххувшавурттайн, хъхъичӀуннайшивурттайн, Аьрасатнал ялун бучӀантӀимунийн!

**ХӀадур бувссар
ХӀасан АьДИЛОВЛУЛ**

Мартрал 1-нний Лакрал Райондалул администрациялий хьунни ва зурул 15-17-нний биляятрал Президент увчаврийн багъайсса масъалартту ххал биъгъагъайсса хьунабакъаву.

Ваний гьуртту хьунни ДР-лул Республикалул БакЧинал ва Хукуматрал администрациялул вакил Амир Махаммадов, ДР-лул Халкъуннал Мажлисрал депутат Марат Илиясов, культуралул министр Зарема Буттаева, Жаматийсса палаталул хьунаманал хьиривчув Сапар Абдуллаев.

Хьамаллурахъ чабувкругу куну, Президентнал бувчавурттайн багъайсса ихтилат бовна райондалул бакчи Юсуп Махаммадовлул:

– Президент увчаву – биляятрай хьанахъисса хьуннасса агъамшиву дусса политикалул ишри. Ванил билялагу жула кунттихъри бусса. Бувчавурттай гьуртту шаврийну агъалинал ккаккан булалиссар цала гражданишвирул хушча. Ва жула гражданишвирул буржри, жула биляятрал ялун бучантИмур жула кунттихъ буну гийи.

Биляятрал Президент хьанахъиссар аьдатру дуроччаврил, тарих ябаврил, технологияртту хьхичуннай шаврил ва культурарду чярушиврул гарантну. Мунийн буну, аьркинссар гьарцагу инсаннал пикри буну. Бувчавурттайнгу бувкун, жула биляятрал ялун бучантИмур вихшала дан лайкьсса кандидатнахлу чу булаву – му жула биляятрал Конституциялуву цакъ бовсса буржри.

Райондалул администрациялул хукумулийн буну, циняв шархъаву цакъ буну буссар хьунабакъавурттал график. Миннуцун бавкуну, цаппарасса шяраваллаву мукунна хьунабакъавуртту хакъинунин хьуссар. Лирчми шархъаву чул дакъа хьунтиссар.

Дагъусттан Республикалул бакЧинал амрулийн буну, районнал администрациярттай дан ккаккан буну бур республикалул исполнительный органнал вакилтал ва Халкъуннал Мажлисрал депутаттал гьурттусса хьунабакъавуртту.

Бувчавурттал хьунин жула республикалий ва райондалий хьуну дур кицл агансса хьхичуннайшивуртту. 2023 шинал республикалул политикалул, экономикалул, культуралул оьрмулуву хьунни агъамсса дакИний личансса ишру. Хьхичуннайшивуртту чалай дур гьарцагу аралуву.

Дагъусттан Республикалул бакчи Сергей Меликов хладурну ур хьхичл бавцусса мурадру чулийн буккан бан. Хьуннасса кьулагъас дуллай ур муниципалитетирттал буруккинттах, миннул сияхраву бур федерал ва регионал программартту зуи даврийн багъайссагу.

Республикалул бакЧинал амрулийн буну, хьуннасса кьулагъас дуллай бур хасъса аьралий операциялий гьуртту хьанахъиминнал кулпатирттах.

Махъсса шиннардий республикалул хьхичлхуттайн лавсун бур килушиву дулаврийн ва цилулу-сагъшиву дуроччаврийн багъайсса масъалартту. Республика хьхичуннай шаврил ххулий чалансса захимат бивхъуссар жула райондалулгу. Хьхичуннай хьанай дур экономика. Гьарза хьунни лухи ризкилул ва яттил аьлад.

Лавай хьунни миннуя дучаймунил даража. СПК-даву дуллай байбихъунни цусса фермарду, лябукку буну шуруши дуллай байбихъунни аьрши, хаснура дугъай хьуру. Ларгсса шинал 480 гектар аьршарая

Лакрал райондалия

Биляятрал ялун бучантИмур жула кунттихъри бусса



ларсунни 2400 тонна ппиринжрал, яни ца гектардания 50 центнер.

Ларгсса шинал марцл дуккан дунни хозяйстварттал вивсса каналу. Кицл дансса хьхичуннайшивуртту жула райондалий ялагу хьуссар социал аралувугу. Ларгсса шинал дячлИан кьартиртун зий буссия «ТурчИдагъ-ГьунчЛукьатли-Гьухъал» шинахулу буцаврил ялувсса давуртту. Вай кьуртал хьун ккаккан дурну дуссар ва шинаву. Гьашину байбишинтиссар бакьин буллай Ххюлусмату Гьумукунсса шинахулу, ванил хлачИайсса шинал дузал буллантиссар арулла шяраваллил агъали: Ххюлуссун, Чуртташи, КилушачИи, Читтур, ШавкИул, ГьукИур, Пулизун ва Гьумучи. Гьарца шяраву дишинтиссар цинна-цинналувса шин марцл дайсса сооруженияртту ва салкь дайсса кьаллу. Хладур буну буссар Хьурхъав ва Шарав шин дуцинсса проект, хларачат буллай буру ва проект республикалул инвестицион программалувун бутан.

Хьун дакъацца чумуй райондалий буссар 10 ФАП, вайннува 2 – Чуртташиял ва Ххутрал шяраваллаву, буссар ларгсса шинал. Гьашинугу бан ккаккан буну буссар 2 – Кундиннал ва Хьурттал шяраваллаву.

Дуллай дайдирахъуссар шиннардий дарцуну диркИсса Гьумуксса цусса азарханалул кьатри. КИккура дан дакИний буссар хлакинтурансса чяву квартирарду бусса кьатригу.

Дурну кьуртал давай буссар Гьумуксса детсадрал кьатри, 120 оьрчансса. Дагъайсса кьулагъас дуллай буссар райондалий культура хьхичуннай даврих. Цуксса хлйпнугу, цаппарасса магьирлугьрал идарартту бур лекъавайсса тагьарданий.

Махъсса шиннардий жуша бивхъунни бакьин буну Гьумуксса, ГьунчЛукьатли-Гьухъал ва Ккуркливсса Магьирлугьрал кьатри. Шиккун ларсъссар цусса инвентарь ва оборудование. Вай давуртту жушара дан бивхъуссар культуралул министр Зарема Буттаевал кабакъаврийну.

Жунма гьарцаннал килулсса кушуй, 80 процент школардал буссия лекъавайсса тагьарданий. Килушиву дулаву хьхичуннай даврил ххулий зузисса федерал ва республикалул программарттаву гьурттушинна дуллай, капиталныйну бакьин бан бивхъунни сайки цинявпагу школарду, бакьин бан буну ливчунни так Чарттал ва Кьубиял школарду. Ляхълай буру вай школарду ремонт бансса чараннугу. Ларгсса шинал бакьин буссар Ххюлуссуннал шяравушса школа. Дагъусттан Республикалул бакЧинал амрулийн буну, гьартагьарза буну буссар Гьумуксса Жагьилтурал парк.

Райондалий туризм хьхичуннай даву мурадрай, бан багълай бия туристичл кьамул буллансса центр. Райондалулчула мукунсса каша дакъахъувкун, ттул тавакьурайн буну, жула ватанлул Хласан

Аьлиевлул цала харжлухрацлук бивунни укунсса объект. Кицл кьабуну кьабучир, ва чявусса иширттаву чларав ацайшиву.

Район гихуннайгу экономикалул ва социальныйну хьхичуннай шавриву агъамсса клану бугълагъиссар цусса ххулурду баврил ва бакьин баврил. 2023 шинал бакьин буссар 19 км. ххуллул. Най дуссар Буршайнса ххуллу бакьин буллалисса давуртту. Буршайн шяравалу туристтал кунку буллалисса клану бухъувкун.

Кямашрал шяраваллил агъалинал тавакьурайн буну, бакьин буллай буссар ва шяравунсса ххуллу. ШколардачИан нанисса цинявпа ххулурду бакьин буссар. Мукьардал ва Уриннал шяраваллал дяних бивхъуссар ламу.

Гьашину ккаккан буну буссар 56 километралийхсса ххулий асфальт бутин, райондалул ххуллул фондрал арцух бутинтиссар Гьумучиял школардачИан нанисса ххулий. Капитальныйну бакьин бан дакИний буссар Чукуннал ва Кумиял шяраваллаву нанисса ххулурду. Район гьарца шинал гьуртту шайсар «Комфортная городская среда» тИсса федерал программалувух. Ва программалувух гьуртту шаврийну ларгсса шинал буссар Гьухъаливсса ххуллу. Гьашину бан дакИний буссар пекарнялуцлату Гьумучиял школардачИан ххуллу.

«Канттул сиптарду» программалувух гьуртту хьуну, Ша-

хьуннал шяраву дирхъуссар шин салкь дайсса зат.

Райондалул кьулагъасралу буссар хасъса аьралий операциялий гьуртту хьанахъиминнал кулпатру. СВО байбихъуння шийнмай укунсса кулпатирттан кумаг бан райондалул фондрава харж дурну дур ца ва бакчи миллион кьуруширттал. Фонд хласул буссар спонсортул, райондалул идарарттал зузалтрал шивпа рязину дулусса арцуя. Райондалий хьанахъисса гьарца мероприятиялийн оьвкуну, вай кулпатирттан арцуйнуса кумаг байссар.

Аьмну жушара хьун дан бивхъунни кьаоьккисса ккаккиартту.

Жунма цинявннал килули ларгмуру ттуршуклул 70-ку шиннардя шийнмай 2000-ку шиннардийн бияннин райондалий буну кьабивкИшиву цавагу социал объект.

Уттинин жушара вай давуртту дан бивхъуссар республикалий ва биляятрай каялушиву дуллалиминнал билялийну. Мунийн буну, жунма цинявннал багълай бур лайкьма кандидатнахлу чурду булун, зула оьрчал ва оьрчал оьрчал ялун бучантИмунил цаний.

Ва ишираву хьуннасса жаваблувшинна дуссар шяраваллал администрациярттал бакЧитурай, кантту-канттурдайсса избирательный комиссиярттай. Уттинингу жула район укунсса иширттаву чялишну гьуртту шайссия. Умуд бур ва базилухьгу ккаккиартту ххуйсса хьунссар тИсса», – увкуна Юсуп Махаммадовлул.

Муния махъ Юсуп Махаммадовлул Чувшиврул орден дулуна хасъса аьралий операция нанисса канттава кутласса чумуй итагалан увкИсса Кьубиял шяравасса Оьмар Дуссилаевлул.

Аьрасатнал Президент увчаврийн багъайсса ихтилатру буну Зарема Буттаевагу, Марат Илиясовлулу.

Кьуртал хьуна хьунабакъаву Гьумучиял Магьирлугьрал кьатлул зузалтрал ва Оьрчал магьирлугьрал кьатлул хладур дурсса концертрайну.

Зулайхат ТАХАКЪАЕВА

БувкІунни жува ссавер дакџа ялугълай бивкІ-сса, чІярусса хъинбала-хъиншивуртту дусса мубараксса Рамазан барз. Ва хъунабакълакьисса шадлугърал мажлис хъунни Ккуллал райондалул Культуралул къатлугу.

Ккуллал райондали

БувкІунни цІунилгу барачатсса мубарак барз



Мажлис тІитІлай, Рамазан зурул барачатшиврия, караматшиврия бувсуна Ккуллал райондалул имам МухІаммад-Маннар Бариевлул. КІицІ лавгуна, зума дугъаврил мурад - ккаши-мякъ бухІавришал, чурххал базурду лайкъ бакъамуния бурувчуну бикІавугу хъанахъишиву. Диндалул аьдатирттайн бувну, мажлис байбихъуна Хъунасса Заннахъхъун ссалам булаврийну. Къурандалувасса мубараксса аятру дурккуна Къуран дакІних лавхъхъусса, ЧІарадиял райондалиясса хІапиз МухІаммад-Шяпинал.

Мажлис бачин бувну ия «Аманат» тІисса динийсса мажлисру сакин бувайсса холдингал каялувчи АхІмад ХІасанов. Ванал бувсуна диндалул элму мюршину бунува лахълан аьркиншиву.

Хъирив вяъза-насихІатру бувна Муфтиятрал жаваблувсса вакил АьлиасхІаб Разакъовлул. Цала насихІатирттаву кІицІ лавгуна, дусшиву, цашиву ва уссушиву исламраву мударгу лавайсса кыматрай душиву. ДакІнийн дуртуна, зума дугъайни дувайсса ниятрал шартІру ва зума дугъаврил низам. Ра-



Чивимур хІажлийн гъансса путевка дурххунни Хъусрациял шяравасса Людмила Рамазановал



мазан зурун хас дурсса лакку ва обрус мазурдийсса назмурду дурккуна Ккуллал райондалул мадрасалийн заназисса оьрчІал ва душаврал.

Лакрал райондалул имам МухІаммад Майрановлул цала ихтилатраву чІурчІав дурна, диндалул мажлисру булла-

лаврия ялун нанисса ник тарбия даврин хъунмасса хайр-мюнпат хъанахъишиврий.

Райондалул администрациял чулуха жямат барча бувна Абуспиян Абдуллаевлул. МухІаммад-Маннар Бариевлул ванахъхъун буллауна гъарица диндалул мажлисирттал чІарав

ацІайсса Ккуллал райондалул бакІчи Шамил Рамазановлухъ Барчаллагъ тІугІисса чагъар.

Ихтилатирттая махъ байбихъуна Рамазан зуруясса цІуххубусуртту буллалисса викторина. ТІайласса жавабру дуллуниннайх дарчІуна бахшишру: велосипед, телевизор ва цаймигу ичІаллил кьай-кьуй.

Ккуллал райондали «Ас-Салам» кказит чивчуминнал дянив кІунурду бивчуну, Чивимур хІажлийн гъансса путевка дурххуна Хъусрациял шяравасса Людмила Рамазановал.

Мажлисрай тІааьнсса чІуний нашидру увкуна МухІаммад ГъазимухІаммадовлул ва Рамазан Маждидовлул.

Ахирданий дуаьрду дурна циняв бусурманнаха, хаснура хасъсса аьралий операциялий гуртту хъанахъисса жагъилтураха ва зулмурдахъхъун бириллалисса Палестиннал агъалинаха.

Имара САИДОВА

Вай гъантрай ЦІуминалийсса ЦІуссаккуллал жяраваллил жяматрацал хъунаавкъунни ЦІуссалакрал райондалул хъунаманал хъиривчув Арсен Гъазиев.

ЦІуссалакрал райондали

Жяматрацал

хъунаавкъунни

Мартрал 15-17-нийн хъунтІисса Аьрасатнал Президентнал бувчІавурттайн хІадур хъанахъисса гъантрайсса, хъунабакъаврил лагрулий ихтилат хъуна бувчІавурттал, избирательтурал ихтиярдал, агъалинал граждан

позициялул хІакъираву. Арсен Гъазиевлул бувсуна бувчІавуртту нанисса кьинирдай мюхчаншиву дуруччинсса чаран ляхълай бушиву ва оьвчаву дурна шяраваллил жяматрайн, чІурду бичин бухъхъияра куну.

ХъхъичІунсса тарбиячи

ЦІуссалакрал райондали хъунни «Воспитатель года – 2024» конкурсерал муниципал ятІап. Шикку гуртту хъунни райондалул оьрчІал багъирдал маяя педагог.

Конкурсерал гурттучитал барча булла, ихтилат бувна райондалул КІулишу дулаврил управлениялул хъунмур Светлана Кудавал. Тарбиячигурал ккаккан бувна педагогнал опыт ва инновациялул практика, аьч бувна пишакаршиврул даража ва творчестволул потенциал. Конкурсерал циняв ятІапирттал хІасиллайн бувну, 2024-ку шинал тарбиячинал цІа лайкъ дунни «Улыбка» тІисса оьрчІал багърал тарбиячи Анжела Идрисовал. Райондали ва гъантІиссар региондалулмур конкурсерай гуртту хъун. Конкурсерай гуртту хъусса циняв педагогуран ЦІуссалакрал райондалул про-



фсоюзрал чулуха дулуна арцуйнусса бахшишру ва грамотартту.

Мудан хъхъичІунминнавух

ЦІуссалакрал райондалул дуклаки оьрчІал мудангу ххуйсса ккаккяртту чІалачІи дай республикалул, Аьрасатнал конкурсердай, личІи-личІисса олимпиадарттай.

Вай гъантрайгу ЦІуссалакрал гимназиялул 11-мур классрал дуклаки оьрчІ ОьмархІажи Аьлиев Миллатрал ахтаршиннарал университетрал Лавайсса даражалул экономикалул школалул дуллалисса Шалагу Аьрасатнал дуклаки оьрчІал дянивсса Миллатрал технологиялул олимпиадалий полуфиналданувун уккунни. ОьмархІажинал лайкъну дурурччунни отборочный тур. Утти ва гъантІиссар мартрал 11-16-нийн Москвалив хъунтІисса ахир ятІапрай гуртту хъун.

Ххуйсса ккаккяртту чІалачІи дунни АхІмад-Хан Султаннул цІанийисса ЦІуссаккуллал 2-мур школалул 11-мур классрал дуклаки душ Марижат Аьлиловалгу «Без срока давности» тІисса Шалагу Аьрасатнал дуклаки оьрчІал сочинениярттал конкурсерал региондалул ятІапрай. 10-11 классирттал дуклаки оьрчІал дянив ванил кІилчинсса кІану бувгъунни.

Ларгсса шинал декабрь зуруя 2024-ку шинал январь зурул ахирданийнин «Альтаир» тІисса гъунар бусса жагъилтал ялун личин байсса центрданий хъуна «Рисуем мир» тІисса сурат дишаврил республикалул конкурс. Ванил мурадгу бия сурат дишаврил бюхъу бусса оьрчІру

ялун личин баву, ми творчестволул давривун кІункІу баву. Конкурсерай ххув хъуминнавух ва хъхъичІунсса кІанттурду бувгъуминнавух бия ЦІуссалакрал райондалиясса кІива дуклаки душ: ХІаживахІидова Къиргу (ЦІуссалакрал Пионертурал ва дуклаки оьрчІал къатта) ва Д.А. Серковлул цІанийисса Шушиннал школалул дуклаки душ ХІажиева Ххадиджа. «Мир наш велик» номинациялуву Къиргул бувгъунни цалчинсса кІану. «Краски мира» номинациялуву Ххадиджа шамилчин бувккунни.

Февраль зурул 9-11-нийн Дагъусттаннал педуниверситетраву хъунни Шалагу Аьрасатнал физкультуралул олимпиадалул региондалул ятІап. Шикку гуртту хъунни республикалул районнал ва шагъурдал школардал 9-11-ми классирттал дуклаки оьрчІру. Бяст-ччаллил дия кІира тур: теориялул ва практикалул. Конкурсерал хІасиллайн бувну, хъхъичІунсса кІанттурду бувгъуминнавух бур Аьхъардал школалул 9-мур классрал дуклаки душ Лайла Суллаевагу.

Барчагу булла, чІа тІий буру цІуссалакрал дуклаки оьрчІан ттиния тихуннайгу бюхттулсса ххувшавуртту.

Анриана АьБДУЛЛАЕВА



Интнил хIахIлищал дучIайсса байран

«ЧIимучIалттул» аьда-
буру Хьаннил байран, интнил
хIахIлищал дучIайсса, аьчух-
са, чаннасса, чиваркIуннангу,
хьаннингу, мюрщиминнангу,
хьуниминнангу ххирасса бай-
ран. Зул оьрмудувсса гьарчагу
гьантта байрансса хьуннав,
ххуйсса бахшишру, ссайгьатру
гьар кьини зул ужагьирттай чан
къахьуннав, тIутIал кацI булун-
магу, нахIусса махь учинмагу,
аякьа дуванмагу зул чIарату
хIура къахьуннав!

«ЧИМУЧИАЛИ»



Ниттил кIарттул ччатIгу

УрчIах – ШикIулла-бакIу,
Кияхгу – Кьакьа-бакIу,
Шарнил ялтту – Хьун-Шуну,
Лагмавагу зунттурду.
Жагьилтал бигьалагай
Шарнил хьхичIсса ОьрбакIуй,
ХхюцIукуну дирхьусса
Ттул буттал шяравалу.
Уздансса, барачатсса,
Чумартсса агьлу бусса,
ХьуницIувкIул, дакIнил минай,
Вил цIа хьинну лахь шивуй.
МакIругу дусса ккаклай
Даин буттал шяравур.
Мудан дакIнийма буссар
Ниттил шавхь

кIарттул ччатIгу.

Зина ОьМАРИЕВА,
Семендердайсса 58-мур
школалийсса лакку мазрал
учитель
(1-мур ЦIувкIратусса)

Мюнхаузеннул хаварду

Мяйра ччан дусса бюрх

Цуппа Аьрасатнаву цикссагу
аьжаивсса ишру хьуссар ттушал.
Кьинирдал ца кьинигу ца эма-
ратсса бюрххул хьирив агьну
ура. ТIанкIру дулай, ливхьун
най буссар, бигьалаган аглан
шаву дакъассар. Ликкурттал
диришиву ция учакьай, кIива
гьантта хьуна ттул балчаннуй
бурттий бюрххул хьирив хьуну
най. Бирийиссияв?! Ттул ви-
шаласса дус, ккаччи Дианка,
ганил шаттирай ша бизлай най
бия, ттушарив ттупанг битан
шайсса манзилданий хьирив
лаян къавхьуна. Шамилчинмур
кьини цукуннугу нааьнасса бюрх
бувтссия, балчаннуя ливккун,
га бирикьаяй бюрххучIан гьан хьу-
ра. Вагь! Ттул махIатталшиврул
дазу дакъая: бюрххуй мяйра
ччан дия, муькра ччан –лякьлуй,
муькра – ттиликIрах. Цуллусса,

цIакьсса муькра ччан - бюрххул
бурхIайгу! Ванакьай зунма та-
маша! Ччаннал луртан ккакки!
Лякьлуйми ликри дурххувкун,
бюрх, лякьа лавайну кIура бав-
ну, бьанивссаннуйми ликкурттай
лечайсса бия. ЦичIав тамаша
бизансса зат бакьар, шанма
гьантлий гукунсса, марч хьусса,
бюрх ттухьхьун къабириыву.

Караматсса ккуртту

Цуксса кьурчIинугу, шан-
ма гьантлий мяйра ччан дусса
бюрххул хьирив багьсса ттул
ккаччи буххаврил муькун азурда
хьуну бияхха, шьав кьуж дурну
ца ссятрава бивкIуна. Кьашилул
на аьтIун икIавай ивкIра, ттулва
ккаччил аьпалун муьнил луттирая
ттунна авлий лаххай ккуртту
дувансса хIукму бував. Дував
хьинсса ккуртту, му лахлай айив-
хьуния махь ттун авлий уккайни

я ттупанг, я ккаччи аьркин къа-
шай. Мудангу вацIувун увкта-
ри ттуйрасса ккурттулул чара
бакьа на кIункIу увара барцI ягу
бюрх лабивкIсса кIанттурдайн.
Ци ссихIирдив къакIулли! Тту-
панг битан шайсса манзил-
даний на жанаварданучIан
гьан хьуннахха, ккурттулия
цийнува цуппа банд итхьявх-
хун, тIайланма шунтIиссар
бурцIил шуншуматIуйн. Буний
багьантIиссар барцIгу ккулла-
лул бувтсса кунма. Караматсса
ккуртту цIанагу ттуйрар дусса.
Зу чIявукIулну пиш тIий буну-
ккару вих бакьа. НахIакьданну!
Буккияра цими кIичI ливчIун
бурир ттул ккурттулий. Бува-
гу кIива кIичI ливчIун чIалай
бурир? ЦIуницIа авлий на-
нийн на ца бала бандирттал
лачIунна, кьюкьри дурну. Ци-
няв авчитал ттуй дакIру мяшну
бивкIантIиссар!

**Корней ЧУКОВСКИЙЛ
бувьсса Мюнхаузеннул
хаварду таржума бувссар
ПатIимат РАМАЗАНОВАЛ**

Яла мюрщиминнан

КИУЛУ ВА КЪУРАЙЗУ

(Санна)

- Ва кIулудуй, кIулудуй,
Шил бивкIура, кIулудуй?
- Кьурнил кьарал бувайсса
Кьурайзунал бивкIура.
- Ци дуркуну бивкIура?
- Ци ририцуну бивкIура?
- Хьу дуркуну бивкIура,
Ттархь ририцуну бивкIура.
- ХьуницI марциайх нанийни,
Хьун уттулу буссияв?
- Нигьабуслай буссияв,
Зурзугу тIий буссияв.
- Дя кьурух нанийни,
Гьарал лякьа дуссияв?
- Жяматрал кьурув ина
Кьама канай буссияв?
- Цуркру буллай буссияв?
Аьркиннихха жун дукан,
Туну, жу ци бантIиссар?
- ЧIаллан кIанай чартту буки,
Кьалмун кIанай аьрици дуки,
Жун зараллу мабулларда,
Винма бивкIу къаччихьурча.



Шанай диркIсса тIабиаьт чантIа тIий

Шил ци багьана хьуну
дуккан дарчагу ва инт-
нил зуруйсса Хьаннил кьини,
хьинну аькьлу-кIушлилул увч-
чусса инсаннал дуккан дурну
дур. Циван учирча, мартрал
цалчинсса кьинирдай ваниннин
шанай диркIсса тIабиаьт, чантIа
тIий, цила аьламатру ккаккан
дуллан дикIай. ТIайлар, дурар
уттигу Лакку билятрай къуппан
тIутIив ва дараччи тIутIив чантIа
тIун. Ттун хIисав хьунни, Ккул-
лал райондалий цалчин ялун ли-
чай хьахьисса къуппан тIутIив.
Цирдагу – Ваччату Цийшиял
чулийнмай нанисса суннайх
лавай бивхьусса ххуллул лагма-
ялтту.

ХIажимурад ХIУСАЙНОВ

«ЧимучIали» хIадур бувссар
ПатIимат РАМАЗАНОВАЛ


Вари ттул Ватан

Шюллисса барзунттив
Ссурулул ишса,
Зунттай ччиккул тIутIив
Хьхьемал шюришса,
РахIаву шарацал
щотIуххул макьан,
На шиккура увсса,
вари ттул Ватан.

ЩатIай палцIа тIисса
Шюллисса кьурду,

Гьалххасса, парх диркIсса
Нувицул дазурду,
Лайсал гьараллугу —
аман зун ккаккан —
На шиккура увсса,
вари ттул Ватан!
Тик диркIсса ххяллалу,
Гьилисса кIанттай,
Вана шяравалу,
Вана жул къатта,
Бюхттулса хIавивгу
чIалай бур гьарнан —

На шиккура увсса,
вари ттул Ватан!
Ччарча неххайн гьанна,
Шинавун учIан,
Ччарча ардайн гьанна,
ТIутIая кацI бан,
Ччарча мурхь бишунна,
багьру гьарза бан —
На шиккура увсса,
вари ттул Ватан!
МахIаммад - Загьид
АМИНОВ



Презентация

Луттирду ххираминнан ххаллилсса бахшишну хьунни

Мартрал 6-ний Р. Хамзатовул цанийсса Миллатрал библиотекалува лахъахьунну хьунни «Дагестанская сага» тисса Нажават (Жанна) Абуевал луттирал презентация.

Дагъусттаннал техникалул университетрал чил билятирттал мазурдил кафедралул доцент, филологиялул элмурдал кандидат, профессор, шаэр, чичу, переводчик, публицист Жанна Абуевал цана нуктура машгурну дур интеллигенциялул, творчестволул агьулданул



нардил лажиндарай тарихрал прозалул, роман-эпопеялул жанрай чивчусса цавагу лу бивккун бакъар жула литературалулу. «Дагестанская сага» лу дуняллийн буккаву жула литературалулу агьамсса ва ххари хьун бучисса ишри. Жаннал творчество ххираминнангу ххаллилсса бахшишри. «Дагестанская сага» бивккун бивкиссар 2000-ку шиннардил дайди хьуйива бутIра-бутIрайну. Шанмагу бутIа цачIуну лу цIана цалчинни бивксса. Барчаллагь ва даву



дьянив. Жаннал итабавкьуну бур 20-ксса поэзиялул ва прозалул жужру, мукунма элмийсса статьяруду, монографияртту, учебно-методический пособиартту. Ва хьанай бур Аьрасатнал Чичултрал союзрал, Аьрасатнал Журналистьтурал союзрал член.

Жаннал кьини хьун дан бивкIун бия ванил даврил уртактал, дустал, гьан-маччами.

Мажлис цила зумуну устарну бачин буну бия цIанихсса шаэр, таржумачи, литературалул критик, публицист Миясат Муслимова.

– Махьсса зувирахьул шин-



дан кабаку бивсса Аьрасатнал Чичултрал союзрайн, Дагъусттаннал Культуралул министрствалийн. Луттираву ккаккан буну бур XX-мур ттуршукулул лажиндарай Кьиблалул Аьрасатнаву хьанай бивкисса ишру: дьявирду, революциярду, репрессияртту, депортацияртту. Хронология дайди хьлай дур 1916-ку шиная ва кьуртал хьанай дур 2000-ку шиннардий. Луттираву ккаккан буну бур тай шиннардий инсантурал бакIрачIан бивкIмур, миннал захматсса кьадар. Буккултрал хьхьичI бацIлай бур захIматсса заманнайн тIайла бавцIусса



мукьра никирал оьрму. Ми оьлуркьусса шиннардий цала яхIгу, кьириятгу дурурччусса инсантал. Миннал кьадарданийну аьч хьанай бур жула хьхьичI та заманнул ишру, – увкун Миясат Шайхоннал, луттирая буслай.

Жанна Абуевал оьрмулиясса, творчестволиясса ихтилатру бунна Миллатрал библиотекалул хьунаманал хьиривмур Сарат Жабраиловал, «Эпоха» издательствалул кьатлул директор Ххаджат Кураховал, Мариян Ильясовал цанийсса «Дараччи» фондрал президент Гульшан Хасаевал, Дагъусттаннал халкьуннал чичу Хизри Ильясовлул, филологиялул элмурдал доктор Зулайхат МахIаммадовал, лакку мазрайсса «Зунттал хьами» журналданул редактор Аьжа АбдурахIмановал, шаэр, журналист ПатIимат Рамазановал, шаэр Камил Дадаевлул ва м.ц.

Цинявпагу ихтилатчитал кIицI лаглай бия авторнал ляличисса гьунар, интеллект, тIайлашиву, марцIшиву, пахру-ххара дакьашиву.

Жанна бур Сурхай-ханхьал наслуллул душ, хантуран лайкьсса узданшивугу, яхI-кьирият ва тIул-тIабиаьтгу дусса.

Жаннал оьрмулул дус, чIарусса шиннардий органнаву зий цала тIайлашиврийну, марцIшиврийну бусрав хьусса ХIасанХусайн дакIнийн утлатисса ихтилатру бунна ванал дустурал ва даврил уртактурал.

Жаннал шеьрирду бивккунна Дагъусттаннал лакку мазрал учительтурал ассоциациялул модератор ПатIимат Аьлиевал, МахIачкьалаллал 50-мур школалул 4-мур классрал дуклаки душ Диана Шиллаевал, ванин хас бивсса шеьри бивккунна маччачув, МахIачкьалаллал 8-мур школалул дуклаки оьрчI Магьди Абуевлул. Мажлис чIюлу бунна Дагъусттаннал халкьуннал артистка Загьидат Муслимовал балайрдал.

Миясат Муслимовал дуллуна Жаннан Дагъусттаннал Культуралул министрствалул чулухасса ХIурматрал грамота.

Ахирданий Жанна Абуевал цила кьини хьун дан бивкисса цинявннахь дакIнийхтунусса барчаллагьгу увкуну, бахшиш бунна цила автографирташалсса луттирду.

Анриана АБДУЛЛАЕВА

Чирилул даву

Туллу чумартсса хъамитайпа



«Илчи» кказитрай чивчуну буссия ванил утгинингу аьралитуран гъан бувсса ссайгъатирттая. Щана Бадуржигъаннул шамилчинни СВО-лийсса аьралитуран ссайгъатру гъан буллалисса. Укун сахаватлувсса, дугърисса давурттив дуллалисса хъамитайпа оьрмулугу чивисса бакъар, цулулшиврулгу къянкъасса бакъар, аьралитуран кумаггу ванил так ца цила пенсиялуцх бур буллай.

Ва ххуллукъ Ватан дуручул байрандалун хасну, жула оьрчIаха дуардугу дурну, Бадуржигъаннул аьралитуран 50 килограмм бакъухърал ва 7-8 ххунча аьрайн гъавккерттал ва натIухIралгу дурну дия. Бакъухъгу цила зумуну, нахIу-нацIурду дирхъуну, усттарну цIюлу бувну бия. ДачIра ххюттуйн зумув бивхъуну хъинсар тIий чивчуну бия ччасагул къуцурттай. Машан ларсун дия нахIура-нахIусса нис. НицIавух турт ва лагаву хIала дурну, хIадур дурну дия 16 банка виврарал. Мукунна машан ларсун дия ахъвандалул сокрал упаковкартту. ВайннуцIунна ванил, шайини байсса куц бусласисса рецептругу чирчуну, бивхъуну бия, 15 кг дусса, увая бувсса инил къуцуртту.

Бадуржигъан Рамазанова

Украиннал аьршарай хасъсса операция байбихъуния шийнмай аьралитураса аякъа дуллай, шайсса куцуй кумаг буллай, чIарав бацIлайнма бур жула ниттихъул ва ссурвал. Вай гъантрай соцсетирдай цинявннан ккавкъхъунсар ЧIайннал шяравасса, уздансса хасиятрал заллу, Рамазанова Бадуржигъаннул аьралитуран тIайла бувксса авадансса ссайгъатру.

Дуки-хIачIиялийну гъашиву къядурну, ччанну гъилину ябуваншиврул, аьралитуран машан лавсун бия 30 чут гъилисса жуларттал, 40 шанийхдихъу, 40 кIаралу ва кIараллал къатри. Аьралитурал бакIралу бишинсса кIараллугу ванил цила каруннах бурувххуну бия. КIараллал къатри бурухлай, вайннул вив дишинмур хIадур дуллайгу шанма-мукъва барз хъуну бур Бадуржигъаннул. Бакъухъ, аьрайн гъавккури жула ужагъирттай булангума бигъа бакъасса дукрарду дур. Бадуржигъаннул тIурча, кIу къабивзун, хъхъуния къини дурну, жула аьралитуран хъис-бунугу кумаг хъуннав тIий, дакIнийхтуну дуллай бур укун сахаватлувсса давуртту. Ссайгъатирттал шивхъуну бур, цулулну-сагъну зана хъуннав жула аьралитал тIий, дуарду дуллалисса чгъардугу.

Посылкарду хIадур дурну махъ, ванил хъунмур буруккин

бур чIун-чIумуй ссайгъатру аьралитурачIан биян бавриясса. Утти ванин ва масъалагу бигъану шаллу бан лавхъхъуну бур. Бадуржигъаннул яхI-къириятраява чумартсса тIуллая нукIува кIул хъуну, ванишал хIала-гъуртуну зий бур Дагъустаннал «Народный фронтрал» отделениялул вакилтал.

АьралитурачIансса посылкартту диян дан бувкIсса инсантал махIаттал хъуну бивкIун бур Бадуржигъаннул ца аьнтIикIану, лазилавкъуну хIадур бувсса ссайгъатирттал бувцIусса къатлуйин ящайхту.

– Ниттихъал дакIру гъалак дуккан дуллай дур СВО-рая баллалисса хавардал. БувчIлай бур СВО-рал агъамшиву ва жула аьралитал хъуннасса хъар лахълай бушиву. Ттуща къабювхъунни ва ххуллукъгу ттула чулуха кумаг къабуну бацIан. Жула оьрчIан ичIаллил дукра хъамакъаританшиврул, шартIру дакъасса кIанттурдай ккашилну

цакъ хъанай дур. Жула халкъуннал дугъришиврул, ка-кумаг бан хIадуршиврул, вайннал дуллалисса чумартсса тIуллал дакI дуллай дур ва гъавас бутлай бур аьралитуравун.

ХIакъинусса къини хасъсса аьралий операциялий гъуртту хъанахъимигу кIулну бикIийча, Ватандалий цахва уздансса ниттихъул, ппухълу, ссурвал, уссурвал, оьрчIру ялугълай бушиву.

Шиккува кIицI лаган, Украиннал аьршарай нанисса хасъсса операциялул гъурттучитуран кумаг баврихлу Бадуржигъан лайкъ хъуну бур «Команда Путина» тIисса премиялун.

Буниялагу, чирилул ххуллийсса давуртту чансса дакъар Бадуржигъаннул сияхIрай.

Вай гъантрай хасъсса операциялий гъуртту хъанахъисса аьралитурал Бадуржигъаннуйн дуркIун дур: «Бивунни жучIан ина гъан бувсса нахIуваннахIусса ссайгъатру. Ина кунма чумартсса инсантурал дуллалисса давурттан багъа бакъассар. Жугу хъамакъабивтун, ссайгъатру хIадур буллай бивкIсса ина цулул баннав. Барчаллагъ вил мусил каруннан», - тIисса видеобрашение.

Имара САИДОВА



Хасъсса операциялий гъуртту хъанахъисса аьралитал Бадуржигъаннукъ барчаллагъ тIий бур



ИТНИ, 11 МАРТ
05.00 «Доброе утро». (12+).
09.00 Новости.
09.20 «АнтиФейк». (16+).

22.55 «Большая игра». (16+).
00.00 Д/ф «Александр Проханов. Исповедь». (18+).

23.00 «Большая игра». (16+).
00.00 «Подкаст.Лаб». (16+).

23.00 «Большая игра». (16+).
00.00 Д/ф «Вована и Лексуса». (16+).

21.00 «Время».
22.00 Т/с «Переведи ее через Май-дан». (16+).

21.45 Голос. Новый+.
23.55 Д/ф «Любо+Любо!». (16+).

00.30 «Подкаст.Лаб». (16+).
АЛХИАТ, 17 МАРТ
06.00 Новости.

РОССИЯ 1

ИТНИ, 11 МАРТ
05.00 «Утро России».
07.35-07.41 Вести-Дагестан

05.00 «Утро России».
07.35-07.41 Вести-Дагестан

05.00 «Утро России».
07.35-07.41 Вести-Дагестан

02.10 Анна Ковальчук в детектив-ном телесериале «Тайны следствия». [12+]

02.10 Анна Ковальчук в детектив-ном телесериале «Тайны следствия». [12+]

XXV ЛУН, 16 МАРТ
05.00 «Утро России. Суббота».

АЛХИАТ, 17 МАРТ
06.05 Ольга Михайлова, Александр Константинов и Святослав Астремович



ИТНИ, 11 МАРТ
07.00 Дагестан. Итоги
08.00 М/ф «Маши и медведь» 0+

05.10 Т/с «Лютий-2», 3, 4 с. 16+

АРВАХИ, 13 МАРТ
07.00 Вести-новостей Дагестана

05.15 Т/с «Охота на Гауляйтера» 3, 4 с. 16+

02.35 Д/ф «Век Расула» 12+

01.15 Передача на аварском языке «Халк ва заман» 12+

02.35 «Культурный код» 0+
02.50 «Улыбка стропил» 0+



ИТНИ, 11 МАРТ
04.55 Т/с «Пасечник». (16+).

00.45 Т/с «Под прикрытием». (16+).

03.25 Т/с «Дознаватель». (16+).

03.20 Т/с «Дознаватель». (16+).

02.00 Т/с «Под прикрытием». (16+).

XXV ЛУН, 16 МАРТ
04.50 Т/с «Пасечник». (16+).

03.30 Т/с «Дознаватель». (16+).

«Илчилул» календарь

Ва нюжмардий бувссар:

Март зурул 4-ний 1944 шинал бувссар биологиял элмурдал доктор, генетик, профессор **Казимат Булаева**.

Март зурул 5-ний 1937 шинал увссар композитор, АФ-лул культуралул лайкь хусса зузала **Мазагыб Шарипов**.

Март зурул 6-ний 1947 шинал бувссар ДР-лул культуралул министрнал хъиривмур, Лакрал театрданул каялувчи **Бадрижат Махаммадхажиева**.

Март зурул 8-ний 1939 шинал увссар Дагъусттаннал халкъуннал чичу **Мирза Давыдов**.

Барча бавуртту

Хурмат хъунмасса хъуначув

Дакнийхтуну барча тий бур хурмат буса Исякь Халидовичлуд вай гъантрай кийи ларгсса оьрмулуд юбилей. Ванал бувтссар цала оьрму лайкьну, жяматран бусравну.

Школагу арцул медальданий кьуртал буну, Исякь увхссар Махачкьалалал Автохуллурдал техникумравун. Мугу Ятлул дипломрай кьуртал бувссар. Ца шинайсса зийгу ивкун, лавгссар аьралуннаву кьуллугь бан. Шанна шинайсса аьралий буржгу лавхун, зана шайхту, ванал бувккуссар Дагъусттаннал университетрал инженерно-строительный факультет. Муния шихунмай Исякь Халидовичлуд хъунмур оьрму бавхуну бур строительствалуд давурттаун: Цуссалакрал райондалий – 640 инсаннансса школа, 400 инсан лагайсса клуб ва газрал сетьру, Чапаевский, ризкьи бакьинсса Клантурду, Байтарки, Гиляни,

Зандакь, Татай-Хутор (Чачаннал, Ингушнал АССР) шяраваллаву щитовой школарду, Махачкьалалив – санэпидстанциялуд кьатри ва чявусса паймигу агамсса объектру. Яргсса, авадансса бур Исякь Халидовичлуд биография. Буса оьрмулий ва халкъуннал мюнпатсса давуртту дулла ивкун ур. Укунсса инсанталли билаятрал цакьгу, сийгу гъз дулла ивкксса. Ванаяту бивзун бур ххаллилсса наслугу.

Хурмат буса Исякь Халидович! Ина увсса кьини барча тий, ча тий буру вин цулушиву, бигьа-рахатсса, лахьисса оьрму. Ина акъа чара бакъассара вила гъанмаччанангу, ватанлувтурангу, жун, Ттурчиял жяматрангу.

**«Ттурчидагъ» жяматрал
организациялуд
председательтал
Р. Х. Беков
ва М. А. Закаров**

*Амин Аул учай Ттурчиял махла,
Хъунма тухумдалул яла лахьма арс,
Захматгу ккавкксар вин чивину уна,
Илданун бусравну бувтссар оьрмугу.*

*Учкьула, техникум, университетру,
Ххювардал бувцусса Ятлул диплому.
Дустурал дянивсса кьадру ва кьимат –
Мигу вил оьрмулуд аваданишивур.*

*Ина дурсса кьатри «немецнал» куйлий
Пар-партли памятник – «Дом культурагу».
Киву бивцу зюннав, увкусса балай
Бовхссар чявуссаннал дакIурдивунгу.*

Ца ттигу награда лайкь дунни



Вай гъантрай Астраханнал пачахлул филармониялу хъунни «Премия Каспий – 2024» тисса аьдатравун дагъсса дунияллул халкъуннал дянивсса фестивальданул наградарту дуллалисса мажлис.

«За вклад в реализацию социально-значимых проектов и программ на территории РФ» номинациялу награда лайкь дунни чярусса шиннардий Москвавил ялапар хъанахьисса Хъювхьиял шяравасса Разита

Мусаевал. Ванил ва цалчинсса награда дакъар. Ва хъуссар ихсандалул ххуллий дурсса цикссагу акциярттал сиптачи ва сакиншинначи. Цила даврил уртакьурашал цимилгу бивссар хасьсса аьралий операциялий шавурду дирсса аьралитурачан госпитальлайн. Мудангу буссар онкологиялул къашавайсса оьрчал ва хъуниминнал чярав, аьркин багьлагьисса ка-кумаг булла.

Мажал бакъашиврух къабурвун, цила каши ишла дуну, мудан кумаг байссар билаятрал хъун шагьрулий захматшиврухун багьсса дагъусттанлувтурангу.

Ванил чумартсса дакIнил ва канил гъилишиву дирсса чансса бакъассар Москвавилгу, Дагъусттаннайгу.

Дакнийхтуну ирглийсса наградагу барча тий, ча тий буру Разитан уттиния тихуннайгу ихсандалул давурттив дуллансса цулушиву ва кашикьудрат.

Анриана АБДУЛЛАЕВА

Дунияллул жагьилтурал фестивальданий лаккудушгу

Мартрал 2-ний дайдирухуну, Сочилий цимвагу гъантлий дунияллул 78 билаятрайсса жагьилтуравух гьуртту хъунни жула лаккудушгу – ГьунчукьатIрал шяравасса Роза Къушиева.



Фестивальданул тарихраву цалчин ваний гьуртту хъунни чява жагьилталгу. Фестивальданий гъашину ккаккан буну бия, оьрмулуд шиннарди бурвун, кива категория: 14 шиная 17 шинай биянинсса ва 18 шиная 35 шинай биянинсса. Дагъусттанная гьуртту хъанахьисса жагьилтуравух цалчинмур категориялу анжагь ца Розар бивкксса. Килчинмур катего-

риялий гьуртту хъанахьисса Дагъусттаннаясса жагьилтуралли шанма-шанма автобус лавгссар Сочилийн.

Язи бугьлагьисса бигьа дакъасса этапгу лайкьну лархун, хъуссар Роза «Сирусрал» майданни, цилва оьрмулуд азарахул оьрчявух гьуртту хъуссар Цалчинминнал Суккушиндарал (Движение Первых) «Начнем будущее вместе» тисса програм-



Роза Къушиева

малий, ванил лагрулий дуллалисса чяру-чярусса давурттаву, вичи дирхьуссар билаятрал Президентнал ихтилатрах.

Роза Къушиевачалсса гьарта-гьарзасса ихтилат бишунну хъиривмур номерданий.

Бадрижамал АБЛИЕВА

ОьвтIий буру Хъарас щаврил байрандалийн

Мартрал 9-ний ГьунчукьатIрал шяраву хъунтиссар Хъарас щаврил байран.



ОьвтIий буру цинявпагу гьунчукьатIраин, хъамаллураин, жула буттал буттахья шийнай нанисса аьдтрай, Хъунил хьатлул мажлисрай гьуртту хун, жулла миллатрал дукрардал тинтаан ххал буван, Лакку билаятрал интил тIабиятрай тамаша буван, зунттаву уртту-туттал нацусса гъава буван.

Ххариссару жул Хъурдакварил байрандалийн увкксса гьарцагу инсаннагу.

Хажиев Маликул кулпат

**ВЫБОРЫ
ПРЕЗИДЕНТА
РОССИИ
15-17 МАРТА 2024**

**ВМЕСТЕ МЫ СИЛА –
ГОЛОСУЕМ ЗА РОССИЮ!**

ЦИК.РФ

Адабиятфал
лаҳин

Хъаннил кьинилийн

ХХАЛЛА
(АЗАЛ УЗУХЪАЛ ХХАДИЖАТ)

Вай яру вих бакъа къабурувгссия

Авлул хъуну най бур дакІнил хияллу,
Майдансса ардарах гьалбарцІрунияр.

ЛивцІунугу най бур яшмилул яру,
Къумасса ратІавух мугьалттунияр.

Бавссунугу най бур ттул хІавилул чурх,
Ссавний гъили бургъил чял занчрунияр.

Я раппий, къахъуннав ттун кунна эшкьи,
ОьрчІкъакъунттул дикІух кьиргъулун дакъа.

Я раппий, къахъуннав ттун кунна ччаву,
НузручІилул дикІух гьалбурицІин дакъа.

Вай яру вих бакъа къабурувгссия,
Вих бурувгун мукъах кІунтІатІи хъунни.

Ва дакІ виштал дакъа къадарчІуссия,
Виштал дарчІуну махъ угь тІутІи хъунни.

Вил цІа кІул хъуну махъ, кІура дар мусий,
КІулши дурккун ларгун, авлия хъунна.

Ттул мусий-ттиркъюкьий, вийн я бивтари
Зяъпиран гъухъ дичай качар чурххирайх.



Пахай Сурхайханова Ява, хъари машара

Гузунхъал ХІасаннучІан ссивирлия
чивчуну бивкІсса чагъарданува

Ва шукру душ бувцусса,
Шукру шанул увчусса,
Эшкьилул ччурччу дакІний
Ччаврил дарчІин дирхусса.

Инава ххаришиву
Мазрал бусан къашавай,
Чагъар гьалгъатІи буллай,
На хІайран мабулларда.

Ява, ххари машара,
Хъисгу ххаллил машара,
Ва дуняллул заллу
Зал акъа-акъассари.

БурхІай гьиву дирхусса
Айгъур чал дарвачнияр,
Магъар бивхусса хъхъуну
Жагъилнал яхІ гъагъайссар.

Буракънияр ххаллилсса
Жагъилнал айгъуршиву –
Дасмалул дикІул дакІний
ЧІутІул мугъру бившунни.

Агъ, дахІалай дакъарив
Вин дурцу чІара шарсса,
ХІалал магъар бивхъуну,
Хъхъурай хъувух дишайсса.

ДахІалай, чаннацІукуй,
Зуруя щалиххайсса,
Душнийва ттуша къавхъур
Щалихханнин буруган.

Лачин ялату бивзсса
Бухарнал кІяла хІави,
Шяруллул кюру бувну,
ЦІунил тІутІаих бивчурив?



Гъумучиял ПатІимат Ххал ба ххуй душнил гъава

АлхІамдулиллагъ Аллагъ, ттул циняр цІарду вийнни,
Жул зарра* ляхъан баннин ляхъан бувсса ттул гъава.

Ссалам, ссалам идавсийн, муъжизатрал сахІибнайн*,
Мунал муъжизатрая ляхъан бувсса ттул гъава.

ВичІи диша, ххира дус, хавардал натижардах*,
Авлахърайх жайран кунма, бавчунни чурххал гъава.

Яъжужтурал лагмасса Зулкъарнайл* къапу кунма,
Тти ттул лагма бувккунни, ххуй оьрчІ, эшкьилул гъава.

КІаланнунун бавкъусса Сулайманнул жин кунма,
МютІи буван къавхъунни ттуша эшкьилул гъава.

Шатран маз лахъхъин байсса дарвиш бабанал кунма,
Махъ буван къабюхъунни ххуй оьрчІах ччаврил гъава.

Ал гъава, суммал гъава, вайлун ли агълил гъава,
Эшкьилул шадирайсса ххал бай ххуй душнил гъава.

Эшкьилул чурх ччувччусса, ччаврил дакІ гъалак дурксса,
Пашманшиврул шад хъусса ххал ба ххуй душнил гъава.

Дуняллий, ссивирлив, оьрмул дуснакьирай
АьтІий оьрму нанисса ххал ба ххуй душнил гъава.

Буттал давлат къабивтун, гъанссанная ка ларсун,
Эшкьи-ччаврил шад бувсса ххал ба ххуй душнил гъава.

Тавханттуя гъав дурну, гъаттая кІаланг дурну,
Хъювусулну шябивкІсса ххал ба ххуй душнил гъава.

Ал гъава, суммал гъава, вайлун ли агълил гъава,
Гъавалул къума бувсса ххал ба ххуй душнил гъава.

Таргъу зунттул яхъулу, Азайннал багъираву
Хъювусулну шябивкІсса ххал ба ххуй душнил гъава.

Щамххал-ханнал къапулий пюрун чІюйлул чІяраву
Яру хъювхъутІи бувсса ххал ба ххуй душнил гъава.

ДакІнил кІирисса угълил зунттурду ччучлачисса,
Зунчалу зунтту кунма, ххал ба ххуй душнил гъава.

Ал гъава, суммал гъава, вайлун ли агълил гъава,
Эшкьилул шадирайсса ххал ба ххуй душнил гъава.

Мукъал аьтара бутІлай, чІаврду дярххун нанисса,
ЦІан ттуруллул хъхъем кунма, ххал ба ххуй душнил гъава.

Ар-майданну гъартана, дардирдал къума бувну,
Гъалмагъайл гъариб бувсса ххал ба ххуй душнил гъава.

Ар дурцІусса тІутІаву тІуркІу буван къашайсса,
Ниттил хъювуссул бувсса ххал ба ххуй душнил гъава.

Чассагул багъ къабивтун, тІутІал ар ккуччу дурну,
Оьрму зия нанисса ххал ба ххуй душнил гъава.

Хханххиравусса цІарал гулан кІунтІатІи дурну,
Яру ливцІун нанисса ххал ба ххуй душнил гъава.

Чурх цІуцІаврил бувгъуну, дакІ цІаллил гъалак дурну,
Къинирдая хъхъу дурсса ххал ба ххуй душнил гъава.

Вих эшкьилул буржиран ччаврил залукІ дирхъуну,
Бургъи-зурул къабивтсса ххал ба ххуй душнил гъава.

Буттал къини пуч дурну, насаб сан дакъа дурну,
Ляхъиндалул къабивтсса ххал ба ххуй душнил гъава.

Ал гъава, суммал гъава, вайлун ли агълил гъава,
Гъавалул аски бувсса ххал ба ххуй душнил гъава.



ККУРКУЛЛАЛ ЦАЗА

Щюллисса ардарав
ТІуркІутІи къахънуй,
Балайрду сававну
КъатІул бувгъунна.

ХІалдарай бакъарив
Вай мюрши душру,
Ччаврил хІал къакІулсса,
Мюршинувасса.

Ва дуняллул пикри
ДакІнийнагу къабагъай.



ДакІнин ххирасса ина
ДакІния къауккара.

* * *

Багъдад буттал шярава
Вайлул хьуну лавгукун,
Зунттайцири шарашив,
МикІлавчІуну, къавкъуна.

* * *

Мизитраву луттирдайн
ГъалатІ багъайсса кунма,
Ттул тахсир бакъа чурххан
Шярал махъру ххи хьунни.

* * *

Ил лагай шагъраххулу
КІяла арцул хьунугу,
Вин эшкъи хьунсса кІулну,
Ххуллийх къагъантІиссияв.

* * *

ДурцІуну дур ва ттул дакІ,
Ккуллардал мажарнияр.
Мажар битай, бачІва шай,
ДакІнин дарман къалякъай.

* * *

Хъамаличув учІайва.
ЧчатІ букайва, лагайва,
ДикІуву дакІ дукансса
Ина акъа къавхьунна.

* * *

Арих нани оьручуй,
Аьв къюлду мабукара,
Сальян-зунттуих нанийни,
Буки кисаран чІапІи.

* * *

Зунтту зунчала буккай,
Ар микІирала дуккай,
Дуккан дуллай, къадуккай
Вил хханхирава ттул дакІ.

* * *

ОьрчІ-оьрчІуннал лахъуни
Ланттудуву бишинна,
Вай шярал хъаннил махъру
Балайлущал гъан банна.

* * *

Авдал дури ва ттул дакІ,
Зума авхънахъ хъян дикІай.
Хъярчитал бури яру,
Хъян ивкІнал хъирив лагай.

* * *

Агъ, ттул къатта ччуччивуй,
Вил бакІрах эшкъи дурсса,

Ччан дакъа буттукъраву
Ххазина бацІайссияв?

* * *

Ттул дакІ цІарал ччуччивуй,
Мюрш гъарал хъирив ларгсса,
Мюршну лачІайсса гъарал
Лухччи дуччин дайссияв?



САЛИМАТ КЪУРБАНОВА

Цалчинсса ччаву

Варакъи буцІинна тІий,
Къуллалийн щинав лавгсса.
Чу хІачІан бан увкІра тІий,
Ина хъирив увкІунав.

«Щин ласлай бурав?» – куну,
Ина ттухъ пиш увкуна,
Зиризавал ва ттул дакІ,
Я шаврин, зурзу куна.

Ссаллив ках кусса ххива,
Гъиди хьуна дакІнивун,
Амма лухІи яруннал
ДакІ гьулусан дуруна.

На вихъ гъалгъа къабував,
Ина гъалгъа тІий уна,
Ина итгав урувгни,
На вийн ттиликІ руртссия.

Щинал гъарал ларчІуна,
Щюлли уртту пурх куна,
Паракъатсса дакІнивух
Мурчал ччамар бувуна.

ДакІмур вишал ларгуна,
Гъав лавгун на ливчІунав,
Навамур варакъущал
ШанбачІулийх най бияв.



МИЯСАТ ЩУРПАЕВА

Шяраву хъатІи бия

Ччясса ссутнил чІун дия
Аьзиз буттал шяраву.
Шяраву хъатІи бия,
Ттуйн хъатІийн оьвтІий бия.

ХІадур дуруна ниттил
Ттухъхьун бухчакаршигу,

Адабиятфал
лажсин



Дурккуна буттукърава
БакІрайн рутан миччахгу.

Къариртун чалагъайгу,
ЧІарав бухчакаршигу,
Лавсун мюрая мухІгу,
Бавчура къатлуvату.

– Чунна, – увкуна ниттил, –
МухІгу кІунттил бувгъуну,
ХъатІийн гъай чІаххув душру
Вихва ялугъланссархха?

– Маялугъларди уча,
Аьзиз чІаххув душварахъ.
На ца кІуриялу дан
Къурув най бура, – учав.

Хханхираву цІарасал
Бувкра шарнил зуманив,
Итгав виримукъашал
Занан бивкІра маршравух.

Бувкра лачІал хъуничІан,
Щиллив гтихІлай къадиртсса:
Ттуйва бияла бакъа
Зун бивкІра мухІирашал.

Чюх увкуна архния
ХъатІул зюннав-накъара,
Бишлан бивкІуна итгах
Ттул канилусса чІаллу.

Баргъгу заваллай бавцІун,
Хъу дачІи хьусса чІумал,
Ялун дируна къари,
ГъарацІигу канихъну.

–Ттул душ, ина ча багъра,
Ци лайлатулкъадрира,
Кару дякъил дургъуну,
Гужрай зий дуссиявхха?

– Ниттилссий, хІакъину ттул
Гъалмагъай ивкІу кьинир...
– Ттул душ, та дяввилулу
Ттулмагу ливчІессар, – куна.

Гъалмагъайх дягъулуд макъ
Рутгарду кІинниллагу,
ТартнакІлил гъарацІигу
ХІачІарду кІиннилвагу.

Шяраву хъатІи бия,
Къургу вичІилий бия,
Ца гтихІлай, ца къав бахІлай –
КІира дягъугу дия.



Суратру Камил Чутуевул

АьсатИннашал литературалул арарду цлакь дуллай

Вай гьантрай МахIачкьалалив «Аьрасат – ттул тарихри» тарихийсса паркраву хьунни Дагъусттаннал ва Ухсавнил АьсатИннал луттирдал ва журналлал презентация. Ва хьуна-бакъаврил гьанумур мурадгу бия, кIирагу республикалул классиктурал, Коста Хетагуровлул, Сулайман Стальскийл ва Апанни Къапиевлул юбилейрду кIицI лаглай бухъувкун гьашину, вайннан хас дурсса мероприятиярттая бусаву.



Совет журналистикалул аьдатрайн буну, ларгсса шинал аьсатИн мазрайсса литературалул журнал «Мах дуг» («Наша эпоха») шаллуну Расул ХIамзатовлун хас буну итабавкьуну бур. Гьашинусса «Дагъусттан» журналданул номергу АьсатИннал литературалун ва магьирлугъран хас бувсса бур. Вана укунсса, дусшиврийсса, проектру гихуннайгу бартдигьлансса мурадру бур кIирагу республикалий литературалула кьуллугъ буллалиминнал.

Презентациялул дайди хьу дуллалисса махъ лахълай, Информациялул ва печатърал агентствалул хьунаманал цалчинсса хьиривмур Наида МахIаммадовалул чIурчIав дурна, укун дусшиврийсса проектирттал агьамшиврий. Вава мяна-мурадрайсса ихтилат бия РСО-Аланиянал Печатърал ва массовый коммуникациярдал комитетрал каялувчинал барча буллалисса чагъарданийгу. Ва адрес дурккуна республикалул «Растдзинад» кказитрал хьунама редактор Юрий Фидаровлул. Хьамаллулвал дурккуна дагъусттанналми шаэртурал назмурдугу. Жагьилсса шаэр Георгий Гогичаевлул дурккуна цана ххирасса шаэр, Юсуп Хаппалаевлул назмурду. Их-

тилатру бунна «Северная Осетия» кказитрал хьунама редактор Марина Битаровал, «Мах дуг» журналданул поэзиялул отделданул хьунама Батраз Касаевлул, вава журналданул критикалул ва публицистикалул отделданул хьунама Тамерлан Теховлул ва цаймигу литератортурал. Агьамсса масъалартту гьаз буллалисса ихтилатру бунна Дагъусттанналми вакилтуралгу: Аьрасатнал Чичултрал союзрал Дагъусттанналмур отделениялул каялувчи Миясат Муслимовал, «Эпоха» издательствалул директор Ххадиджат Кураховал, «Дагъусттан» журналданул литературалул редактор Татьяна Гамалейл, яруссаннал чичу МахIаммад Насруллаевлул, «Ракурс» кказитрал редактор ва тележурналист АбдурахIман Юнусовлул, археолог Марьям Сагитовал, художниктал Апанни МахIаммадовлул ва Закария Закарияевлул. Мероприятие дачин дурну бия кIицI лавгсса журналлал хьуними редактортал Марат ХIажиев ва Оксана Хетагурова. Мероприятиялул кIилчинмур бутIа Дагъусттаннал культуралул фондраву хьуна, кIивайнналагу уртакьну дуллансса давурттая бия тиккусса ихтилатругу.

ПатIимат РАМАЗАНОВА

Бархъаллал шьравасса кару мусилсса, пагьму-гьунар ххисса Милана МахIмудовал караматсса давурттал хIайран бай тамашачитал цумур-цагу выставкалий. МарцI-кIяласса симанда-лувусса ссавнил рангирайсса яругу, чаннасса кIизгу бусса Милана цуппагу европанал ссурухIилуха лашай, бархъаллал янналувугу хьиннува авурну чIалан бикIай. Тамашачи хьхьичIа-хьхьичI ва бусса кIанайн кIункIу шай.

Кару мусилсса бархъарадуш



Милана ДР-лул культуралул министр Зарема Буттаевацал

Буну бур Милана УзбакIнаву, Бухардал райондалийсса Навои шагърулий. Цаппара шиннардий вайннал кулпат ялапар хъанай бивкIун бур Газли тIисса шагърулий. Тийх аьрши сукку хьусса чIумал бивзун бур Ташкантилив. Му чIумал Милана 5-мур класс бивккусса душ бивкIун бур. Му оьрмулуву ва занан бивкIун бур сурат дишаврил ва художествалул гимнастикалул кружокиртайн. Хьунмур чIуннин гимнастикалун харж дайсса диркIун дур, цила оьрму спорттрацIун бахIинсса хияллай. Амма цаппара шиннар-дива вайннан Дагъусттаннайн бучIан багьну бур. Миланал циркраву зунсса хиялгу барткьав-лавгна ливчIун бур. Шийх школагу кьуртал буну, ва бивххун бур М.А. Джемаллул цанийсса художествалул училищалувун, бартбисуртту шашаврил ва яннай накьич дишаврил факультетрайн. Шикку лавхъьумур мудангу бучIи лякьай оьрмулул ва пишалул ххуллий тIий, барчаллагърай бикIай живописьрал ва сурат дишаврил преподаватель Татьяна Боголюбовайн ва щачан лахъьин бувсса Лариса Сефербековнайн. Училищалуву дуклакисса чIумал ванил шавшсса чак байний бутайсса караматсса чIиви бартбисуллул циняв махIаттал буну бур. Ванил даврин лавайсса кьимат бившуну бур.

– Щашаврил даву мукссараттул дакIнил ларьсса дакъая, таний дакIний-мазрайвагу бакъая нава бартбисурттаха зунссара, ттула оьрмулуву вайннул агьам-

циняв Миланал каруннил дурмний тамаша буллай аглан шайва. ЯбацIансса дия ванил дирхьусса суратругу, ляличIисса накьич дирхьуну шаршсса кьай-кьуйгу.

ХIакьинусса кьинигу нажагъсса бур бартбисуртту бакьин бан кIулсса пишакартал. Дагъусттаннал музейрал реставрациялул от-делданий зий, ва давугу усттарну дуллай бур мусил кару дусса бархъарадуш. Бартбисуртту шашайсса куц ванин оьрчIнийва кIулну бивкIун бур, ниттил ниттин ПатIиматлун ххаллу дайсса ппал марцI дан, шюшин кумаг буллай.

– ХьхьичIвасса бартбисуртту бакьин буллай, на махIаттал хъанан бикIара вайннуйсса накьичирттай. Бартбису бакьин буллалисса чIумал, ттун личIулуну зун аьркинссар накьич кьадяйкьиншиврул. Гьай-гьай, мюрш бивкIун дан аьркинсса, бигъа дакъасса даву дур. Ца-ца чIумал чIирисса даву бартдигьин хьуннасса чIун лагай. Хаснува захIматсса бур бакьин бан бархъаллал технологиялий шавшсса бартбисуртту. Бакьин бавришIун, ттун музейрал бартбисурттаха аякъа дуллангу, чIун-чIумуй гьавалийн буккан буллангу багъай, – тIий, буслай бур Милана.

2006-ку шиннардий, ххишала-сса кIулшивуртту ласаву мурад-рай, Милана бивххун бур Москва-вулал Предпринимательствалул ва правалул институтравун. Мугу лавайсса даражалийн кьуртал буну, лавсун бур экономистнал диплом.

Милана гьуртту хьуну бур чIярусса республикалул, Аьрасатнал, мукунна дуняллул халкьуннал дянивсса выставкарттай, мастер-классру ккаккан буллай, бивну бур цимивагу шагърулийн. Ванил давуртту чIун-чIумуй ккаккиялун дишай музейрал



сса кIану бугьанссар тIий, – бу-слай бур Милана.

Училише кьуртал буну махъ ва зун бивкIун бур Республи-калул краеведениялул музей-раву художник-реставраторну. Щанакул ва бур бартбисурттал реставраторну ва музейрал эл-мийсса зулалану. Шикку зун бикIайхту хьиннува багьну бур ванин творчествалухсса, Дагъ-усттаннал караматсса искусствалухсса гьира. Ванил цила чIяруми давурттугу «Этностиль» техника-лий дурсса дур. ХIакьинусса кь-ини Миланал магьирсса каруннива дукъаккайсса даву дакъар. Ванил шашай жура-журасса накьичру ва суратру дирхьусса эмаратсса чантайрду, кисри, ххуржинтту.

ЧивинияцIава Милана гьурт-ту хьуну бур личIи-личIисса выставкарттай. Ттун ххуйну дакIний дур 2010-ку шинал хьусса «Бархъаллал кьинирду Москвавил» тIисса выставка. Нагу лавгссыяв ва выставкалийн. Шиккуяв на Миланашал кIул хьуссагу. Выставкалийн бивкIисса

экспозициярттаву.

2022-ку шинал Милана гьурт-ту хьуна OPEN DAGESTAN форумрай, ларгсса шинал декабрь зуруй – «Родники Дагестана» тIисса республикалул выставкалий. Махъсса шиннар-дий цимилагу лавгун бур Со-чилийн мастер-классру ккаккан бан. Уттигьанну ва зана хьунни Москвавил ВДНХ-лий нанисса Аьрасатнал выставка-форумрай. Шиккун Милана гьан буну бур Дагъусттаннал Туризмалул ми-нистерствалул чулуха, тамашачи-турахъ Дагъусттаннал стендрая буслан.

ЦIанасса чIумал Милана кунмасса пишакартал Дагъус-таннай чIявусса бакъар. Ванил цIа кIулну дур творчествалул агьулданун, бусравну бур каялув-читуран ва архIал зузиминнан.

Укунсса ххаллилсса пишакар бакIрайн агъаврийну Дагъус-таннал Миллатрал музейран тIайлабацIу хьушиврун ккалли бан бучIиссар.


Анриана АБДУЛЛАЕВА

«Илчилул» хъамаличув

«Буттан сси бизайва, луттиран зарал биян барча»

Дагъусттаннал Чичултрал союзран гъашину хъанахъисса 90 шинал таварихрацун бавхуну, жу редакциялийн овъкуссия ДР-лул Чичултрал союзрал лакрал литературалул секциялул каялувчи, Дагъусттаннал культуралул лайк хъусса зузала, Расуллул арс Супиян Омаровлуйн.

Ванал захматрал ххуллу байбихъуну бур комсомолданул даврия, 42 шин дур захматрал стаж, миннувагу 25 – паччахлугьрал къуллугьирттай. Супиян хъатГай устгарну тямдашиву дувайсса, мандолинагу бившуну бюхханну балай учайсса, назмурдугу чичайсса, гъунарду чъяусса инсан ур. Кишлаганна, Чачаннал аьрщарая Дагъусттаннайн боевиктал хъавхъсса ппурттуву ва, ярагьгу кунтихъну, Ватан дуруччин гъаз хъуминнал хъьичИххуттай, Ккуллал райондалул ополченурал къюкълул хъунаману ивкИшиву, Аьрасатнал Хукуматрал председателнал цаниятусса каний дахГай ссятран лайк хъушиву.



Супиян Омаров

Гъашину Дагъусттаннал халкъуннал чичу Мирза Давыдовлул, Апанни Къапиевлул, Хасан КИруховлул, Валерий Амировлул, Гъарун Саэдовлул юбилейрттугу дур, вайннул программа дурну дуссар.

нал чичу Мирза Давыдовлул, Апанни Къапиевлул, Хасан КИруховлул, Валерий Амировлул, Гъарун Саэдовлул юбилейрттугу дур, вайннул программа дурну дуссар.

- Супиян, комсомолданухъсса, партиялукъсса ябитаву даххана хъуссарив вил?

– На Ростоврай Партшколагу къуртал бувссия. Коммунистнал

риршуну. Вана укун агъну лавкъунав хъатГал иширттахун.

- Жува хъунабавкъуру Хъаннил байран гъан хъанахъисса гъантрай. Вин хъаннишал зун бигъану бикГайрив ягу чиваркИуннашал?

– На зузисса идарарттал хъунимину мудангу хъами тГайла бавцунни: Зумруд Сулайманова, Зарема Буттаева, Елена Гъарунова, утти – Марина Колюбакина. Каялувчитал хъисаврайгу, хъамитайпалул кИуклушиврул, ттюнгъашиврул, личИлушиврул бияла личИссар. На ттулла цалчинсса назмугу ххуй бивзсса душнин ца кунуя чирчусса. Ниттихъсса ччаврилгура назмурду чичлачи увсса.

- Нину цукунсса инсан бикГайва, муния лаларсми дарсеру цукунмири?

– Нину дикГайва мукъун кIусса, паракъатсса инсан. Нава кувний икIара, ниттил куннасса хасият диркIссания ттулла тIий. Жул кулпат музыкалул итхъав-

На зузисса идарарттал хъунимину мудангу хъами тГайла бавцунни: Зумруд Сулайманова, Зарема Буттаева, Елена Гъарунова, утти – Марина Колюбакина. Каялувчитал хъисаврайгу, хъамитайпалул кИуклушиврул, ттюнгъашиврул, личИлушиврул бияла личИссар. На ттулла цалчинсса назмугу ххуй бивзсса душнин ца кунуя чирчусса.

- Супиян, вилва мархара, гъанулия буси цал. Литература оьрчИнийра ххирассияв?

– Ттул ппу оьрус мазрал ва литературалул дарс дишайсса учитель икIайва, жунний ичува 500-600 лу бикIайссия буттал библиотекалуву. Жу мюршисса чIумал, шарда ци-дунугу лиян дуварча, личИну авара къадайва нитти-буттал, чIиви-хъунсса зарал луттиран барча, буттан сси бизайва. Буттал дустурайх, райондалийцири учительтурайх бавчIуссия луттирдугу, ппу дунуя лияла лагайху, мунал аьпалун. Литература ххирассия. Амма буттал маслихатрайн бувну гидро-мелиораторнал касму лахъхин лавгссияв. Институт къуртал байху, бувчIуна му ттулла даву дакъашиву, Новгородрай армия лавхъун учIайху, ттун овъкуна Ккуллал райондалул комсомолданул райкомрал секретарьну зун. Яла зий ивкIра райондалий кIиккува Культуралул, спортрал, жагьилтурал иширттал отделданий каялувшиву дулай. Муния махъ, 2000 шинал,



МахIачкъалалийн, Жагьилтурал иширтталсса байсса министрствалийн зун увцунав. Таний Республикалул Хукуматрал комитет бикIайва жагьилтурал иширттал программардалсса буллалисса, хъинну аварасса, дурмур къачIалачИсса даву дикIайва. Мунияту, Культуралул министрствалийн зун овьрчайху, на гъирай лавгссияв. АцIра шин тиккугу дурссар отделданул хъунаману. 2014 шинал Поэзиялул театр тIивтIусса чIумал, овъкуна му бакIрайн ласу буван.

- Комсомолданул, жагьилтурал иширттал ва культуралул даву кунни-чIан кув гъансса дур, поэзиялулмургу миннуя архъсса дакъарча, амма му цIусса ххуллийн уккаврив хIисавсса даву дур.

– ТГайламур бусан, хаварбакъулийсса иш хъуна. Танийсса республикалул каялувчи Рамзан АьбдуллатИповлулгума

маИатталну цIувххуна, ина шиккун ча агъра куну. На машгурсса чичу акъахъувкун, тамаша бивзун ия. Бувъссия литературалушал «ци иш» буссарив, нава учительнал – филологнал арс ушиву, «Щунул шутталу» тIисса шеъридайсса луттирал автор ва чичултрашал хIалагьурттушиву дусса ушиву.

Ташвишну ивкIра лакрал литературалул секциялий каялувшиву дуван бакIрайн ласу бувангу.

- Цукунсса мероприятие дур гъашину лакрал литературалул секциялул дуван дакIнийсса?

– Уттигъанну, правление бавтIун, жу Аьрасатнал Чичултрал союзравун лакрал чичулт ХIадис ХIадисов, Жабраил Хачилаев, Ханича Аьлиева ва Аминат АхIмадова къамул буван маслихат бувссар. Гъашину Дагъусттаннал халкъун-

билетту ябуллау ура. Царагу партиялувугу акъассара.

- ХъатГай тямдашиву даврил дайдиху цукунсса хъуна? Инара тямдашиву дурсса цалчинсса хъатГи дакIний бурив?

– Ккуллал райондалий зий уний дувайссия тямдашиву.

Шагьрулиймур иш укун хъуна. Ттул ххуйсса гъалмахчув уссар яруссаннал миллатрайсса, тямдари цувагу. Мунал тавакью бувна, цанма гъансса инсантурал хъатГуй каялувшиву дан насу куну, цашава гъан къахъанай бунутIий. КИазарку шинну дия, билаят захIматшивурттаву багъсса. Лавгра нагу. Тания махъ яруссаннал та даралувусса циняр шяраваллал хъатГивгу ттул хъуссар (хъан икIай). Таний хъатГул индустрия гъаз дуллалисса пиар-компанияртту дикIайва, «Свадебная легенда» тIисса журналданий ттуясса материалгума дуллауна, суратту

хъсса бикIайва. Ичува гъарманан ххирассия мандолина. Мудан музыкалул вечерду дикIайссия ахттакъуннай, даврил ларкъуну махъ. Хъусрашатусса Багьирча Муслимовлул кулпатрашалгу хIала-гьурттушиву дикIайссия, цачIун бавтIукун, мархъгу, хъхуригу музыкалухъ-я. Ниттихъал, ссурвалрал, аьризмунил, душнил дакIнил къурттараву цинма-цинма ччаврил къуртти буссар, ягин хъурча дакъа, ччаву хъхъарагу къашайссар.

На цIусса оьрмулул, цIусса кулпатрал дайдихулул символну хъанахъисса хъатГал тямда ура, ттулва ихтилатгу тямда хIисаврай къуртал буванна: цIакъсса ташурду – билаятрал цIакъри, оьрму шилва ххуллий паракъатну най бушиврул лишанни. Ххаримур, чаннамур ххи хъуннав гъарцаннал оьрмулуву!

Ихтилат чивчуссар
ПатIимат РАМАЗАНОВАЛ

Лакрал халкъуннал учаларттава

Так къяпа бишинишврл бакъар хъачлунттай бакI бавцусса.

Авлиянан дюблия авлияну чIалан икIайссар.

Авлия къалмакъалданийн, дюблия маслихIатрайн кIун-кIу тIиссар.

Авлия пIур-пIур тIутIини, авкълукар къаагъайссар.

Авлия акъахурчан, дюблиян-ан чIатI бакъассар.

Авлия гъаттай куна, махъярда.

Авлия бусласимунийнур кIул шайсса.

Авлия хъуну ухурчан, насуча шагъ Дагъусттаннайн дявлиял.

Авлия пахрулувун лагайссар.

Авлиянацал бяст маба-ванна.

Авлиятал ххаххайссар, авкълукартал маслихIатрайн бучIайссар.

Авлиянан кIул дакъассар дюблиянал ларайшишврлту, сагънангу кIул бакъассар къашайшалал угълия.

Авлиянан авкълукар къах-хирассар.

Авлиясса бакIрал ччаннан дигъалагру къадулайссар.

Авлиясса вичIан – авлия хаварду.

Авлиясса ниц къассав-чиначIан цуппа бучIайссар.

Авлия буруккинтту буллалини, авкълукарнал пикри байссар.

Авлиясса суалданунсса жаваб къалархъссия, тIар.



«Илчи» – маслихIатчи Хъаннинсса маслихIатру

Жунма чIявуну хъамавабитай жува, хъами, ва арамтал куннаха жкув лавхъхусса бакъашиву, жулла хIала-гъурттушивугу, арардугу хасиятрал ляличIишивуртту хIисаврайн ларсъсса дикIан аьркиншиву.



Бювкъу-аьйрдайсса ихтилатру цивппа битира

ИчIува къачанну шай адаминал (арс, уссу, лас, цу-унугу) ци-дунугу даву дуванна тIий, гъантри, ножмарду, барзру хусса ишру. Шикку, чIявумур чIумал, мьяжаннугу, жунма кIулесса-къаIулсса багъантту чансса къабикIан бюхъай. Гъантлий, ножмардий, зуруй къадурмур лахъуни дуллау, бювкъу-аьйрду ялттуса такъвалул, гава-га тIий, нярайн кIунтIа тIисса мукъурттил адаминаву къадурмур гихуннай та-дунугу дувансса гъира лещан бан бюхъайссар. Къадурмур, ахиргу, дуварчангума, хусса бювкъу-аьйрдайнусса ихтилатрау махъсса тIааьн бакъасса асар цукссагу хIаллай личIантIиссар. Дянивсса арардугу кIюла дуккан къадуллау, адаминашал ссавурданий, паракъатну ихтилат буну хъинссар. Бювкъу-аьйрдан кIанай булара суал, ссайн бивну бур та бишун аьркинсса мюрал ягу дакъин дуван аьркинсса нуз-зал масъала куну. Паракъатну, нахIуну дакъинийн дутира дуван аьркинну диркIмур.

Ихтилат буллалисса чIумал хъуннасса агъамшиву дуссар ин-

тонациялул, гъалгъа буллалисса лугъатрал.

Адаминахъхун суалбулаврийну гъашиву къадурну, ганал зухъ-ва тIутIимуниху вичIи дилушара, лаласира ганал дакъиниймур.

Хъамитайпа адаминашал тарс бавцуну, так циламур бачин буну гъалгъа тIун къааьркинссар.

Лагъмур – лултту, лахъмур – ялтту

Оьрусрай учай «обходить острые углы» куну. Жува, лакрал, учару «лагъмур – лултту, лахъмур – ялтту» куну. Вай куртIсса мяъна дусса махъру дакъинийну къушчу тIутIаврил хъуннасса агъамшиву дуссар. ИчIува хъамитайпалийн хъинну чIявусса затру хъар шайссар. Та ци чIумал, ци ва цукун учин аьркинссарив бувчIлачIисса хъамитайпалул кулпатравусса нахIушиву дуручлачIиссар.

Адамина цувава, цалла тIа-бияьтрайн буну, талаталар, цанма дяъви баян буманашал талан икIайсса чулгу бусса. Буссар ванаву цалва кулпатра-шалсса арардансса кIукIумур, иминмур чулгу. Хъамитайпа къааьркинссар цалчинмур чул-данийн буклан, кIа чул цинма кIул хъунмур буллан.

Адаминаяр хъхъичIун къабуклан

Хъамитайпалул адаминашал ца лахъшиврий, ца манзилданий ихтилат буллан къааьркинссар. Ванил къатIутIиссар адамина хъамитайпалийар лавайну ягу ялавайну ушиврия. Ванил тIиссар адамина цамур ххуттайсса тайпа ушиврия.

Хъамитайпалул адаминаяр хъхъичIун букканмур, лавай хъунмур буллан къааьркинссар. Гъу, букканссар хъхъичIун, лахъанссар лавай, адамина личIанссар махъ, лагъний, яла цир? Шикку ихтилат кIисса кIиссурайх къабишлашисса, пулгту канихъну диван ябуллалисса, хIачIлачIисса арамтурау бакъар, ихтилат зузисса, хIарачат буллалисса, цалва бурж, цалла дуван багъаймур кIулу лайкъну къушчу тIутIисса арамтурауар.

Ниттил кIану къабугълан

ИчIува кулпат адаминан кулпатну бикIан аьркинссар. Хъамитайпалул, цинма хаварвагу бакъанма, ниттил кIану бугъанмур буллалисса, ниттил куннасса ляличIисса къулагъас дуллалисса чIумал лагу кIукIлу лавгун къушчу тIун икIайссар. Адамина итан аьркинссар цайрасса жаваблвшинна, цаярасса тIалавшинна кIулу къушчу тIун. Хъамитайпа ча-чунгу ласнай аьйрду дуларча, ганаву дусса хъинми лишаннугу, ххуймур хасиятгу хIисав къахъанай, адамина тава-тагу «гъагъантIиссар» ягу арх уцантIиссар.

Табиаьтралла адаминаву дир-хусса хъинми хасиятирттай хъамитайпалул чIурчIав дуларча, ганаву хъхъичIунай ачинсса, лавай лахълансса гуж-гъавас ххи хъунтIиссар. Ванивур хъамитайпалунгу, аьмну шалва кулпатрангу рахIатшиву ва хъиншиву дусса.

ХIадур бувссар Бадрижамал АБЛИЕВАЛ



Газета «Илчи» (Вестник)

Учредитель: Агентство информации и печати Республики Дагестан

Хъунама редактор: Къардашов Р. Аь. Тел.: 66-00-59

Хъунама редакторнал хъиривма: Башаев Р.М. Тел. 66-00-59

Редколлегия: Адамов АьбдурахIман МахIаммадович Аьбдулаев Сапарбаг Аьлиевич Аьлиев ХIажу Сулайманович Исрапилов Артур Анварович КъурбанмахIаммадов Чанкура Рамазанович Маммаев Сулайман Нурагътинович МахIаммадов Юсуп ХIамидович Хаппалаев Аслан Юсупович Хасаева Гульшан Рамазановна ХIажимирзаев Зиябуттин Абусупиянович Шалласуев Шалласу Рамазанович Эльдарова Роза ХIажиевна

Отделлал редактортал: Аьбдулаева А. П. Аьдилов ХI. А. Рамазанова П. ХI. Тахакъаева З. К.

Корреспондентъгал: АьбдурахIманова З. Т. Аьлиева Б. Д. Саидова И. А.

Корректор: АхIмадова А.И.

Къазитрал компьютерданул цех: Абакарова К. Н. ХIажиева З. У.

Къазитрай дурксса макъаларттаву кIицI лавгмур тIайлашивул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала рицайссар, жяматрал цаламур пикри бусанссар тIисса ниятрай. Къазитрайн дуркIсса макъаларттайн рецензия къачичайссар ва ми залуннахъхъун зана къадайссар.

Къазит буккайссар ножмардий цал. Шинай итабакъайссар 52 номер.

Къазитрал индекс. П7046 Тираж – 2002 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59


Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00. Цена свободная




4 651116 280051

МАХIАЧКЪАЛА



Гъавалул тагъар



ГЪУМУЧИ